

21339
21340
21341

891.99.09
T-16



ԳՐԱԴԱՐԱՆԻ ՀՐԱՄԱՆ

891.93.09 ար
Ձ-16

ՍՄԲԱՏ ՇԱՀԱԳԻՉԻ ԳԵՂԱԿԱՆ

ՅԻՇՈՂՈՒԹԻՒՆՆԵՐ

ՎԱՐԴԱՆԱՑ

ՏՕՆԻ ԱՌԻԹՈՎ

2003

«Մի աշխարհ, կեղեքուած ներքին խռովութիւններով, փրկութիւն կ'զտնի միայն իւրաքանչիւրի և բոլորի սիրոյ մէջ դէպի իրանց մերձաւորները»:

Մէն - օգոստ, ԶԻՆԱԹԻ ԽՄԱԾՏԱՄԵՐ. Էջ 20.



ՄՈՍԿՈՒԱ.

ՏՊԱՐԱՆ Ք. ԲԱՐԻՈՒԹԱՐԵԱՆ հ.
1901.

4795

Дозволено Цензурою. С.-Петербургъ, 1 Июля 1900 года.

ՅԻՇՈՂՈՒԹԻՒՆԵՐ

Тип. Х. Бархударянъ, Москва, Срѣтенка, Мясной пер., д. Баринова.

ՅԻՇՈՂՈՒԹԻՒՆԵՐ

Վ. Ա. Ր. Դ. Ա. Ն. Ա. Ն. Ց. Տ. Օ. Ն. Ի. Ա. Ռ. Ի. Թ. Ո. Կ.

I.

Ամէն տարի, Բարեկենդանի հինգշաբթի օրը,
Հայաստանեայց եկեղեցին իւր ժողովրդի հետ միասին
կատարում է Վարդանանց յայտնի տօնը, նրանց
զլիսաւորներին էլ մի-մի յիշում իւր սքանչելի «Նո-
րահրաշ» շարականի մէջ։ Բայց գործողութիւնը,
մեղանից ամբողջ դարերով հեռու լինելով, շտ-
տերս մոռացել ենք այն տօնի ներքին իմաստը ու
բովանդակութիւնը։ Եյս պատճառով ես իմ ընթեր-
ցողներին առաջարկում եմ ուշադրութեամբ հետեւ և
ներկայ «Յիշողութիւններիս»։

Աշխարհիս մէջ ամէն բան, թէ շնչաւոր և թէ
անշունչ ենթարկուած է բնութեան ազգեցութեան,
իսկ բնութեան ազգեցութիւնը այնպէս է, որ ինչ էլ
կայ կամ՝ գոյութիւն ունի, չի կարող անփոփոխ
մնալ իւր տեղում։ Ուրեմն, մարդը ևս, բնութեան
արդիւնքներից մինը լինելով, կարող չէ բաժանուել
նրա օրէնքներից։ Ինչպէս ամեն մի անհատ, որքան
էլ հսկայական կազմուած ունենալը ու հոգեկան
աշխայժ, այնու ամենայնիւ, մի որոշ հասակի հաս-

նելով, սկսում է ինքը իւր մէջ լուծուել ապա և կեանքից զըկուել — այսպէս էլ ամբողջ ազգը, մի յայտնի պատմական շըջան կատարելով, իւր տեղը ուրիշն է տալիս, որ քաղաքական մաքով նշանակում է նոյնալէս կեանքից զըկուել այսինքն մեռնել¹⁾: Շատ էլ հեռու չփնալով օրինակներից, ասենք, որ անհամար Մօղոլ-Թաթարական ցեղերը, ամբողջ երկու հարիւր տարի հեղեղելով Ռուսաստան և սարկութեան մէջ պահելով նրան, այժմ հասարակ դռնապաններ են դառել նոյն Ռուսների աներում, շատերն էլ մի կտոր Նազանի սապոն ձեռին, դռնէ-դռուր քաշ են գտլիս օրական հաց ճարելու!

Այսպէս էլ ներկայումս տիրապետող ցեղերը իրանց մեծութիւնը չպիտի անանցական համարեն, որով հետեւ երկրագունաը յարատեւ փոփոխուելով, մի քանի դարերից յետոյ կարող է նոյն տիրապետողներին Թաթարների բախտը ընծայել:

Բայց մարդկային անհաստատ կայութեան մասին խօսելով, մենք մեր նախերգանքը կամենում էինք վերաբերել յատուկ այն երկու ազգերին, որոնք Վարդանանց օրերով գեռ ևս համաշխարհային դեր էին խաղում, իսկ այսօր, տեսէք, թէ ինչ ողորմելի վեճակի են հասել! Դոքա Պարսիկներն են ու Յոյները:

¹⁾ Не помышаешь замѣтить, что въ психическомъ отношеніи наши дѣти до нѣкоторой степени повторяютъ исторію всего человѣчества, и въ этомъ смыслѣ можно говорить о „дѣтствѣ народовъ“, о ихъ „возумжалости и дряхлости“; это не простая аналогія, но указаніе на параллелизмъ развитія. — *Տես ուսւ. թարգ.* „Исторія Культуры“ Гелльвальда, Էջ 148.

Իրաւի. Երբեմն ահազին և լայնածաւալ Պարսից թագաւորութիւնը, որ իւր ներքին կազմութեամբ աշխարհների փառքն էր վայելում, այժմ փոխուել է մի սահմանափակ նահանգ, այն էլ լետարգիական քնի մէջ թմրած, — և հանգիստ է, որովհետեւ թմրածին ձեռը չեն տալիս: Նոյն բանը ասելի է և Յոյների մասին, որոնք մատարական և ֆիզիկական ոյժերով սպառուած և փոքրիկ տարածութեան մէջ տռանձնացած, փոքր մնաց, որ մեր օրերում Մուհամմէտի «Էէլ բարհաղ»¹⁾ ձնչը նրանց, ինչպէս ուրուրը ձնչում է հաւի ձուտին իւր ձննկերի մէջ! Ահա այս երկու ազգերիցն էր կախուած մեր հայրենիքի բախտը հինգերորդ գարում, որով մտազիր եմ հարեանցի զբաղուել այստեղ:

II.

Չորրորդ գարի սկզբում, քրիստոնէութիւնը տարածուելով չայերի և Յոյների մէջ, երկուսն էլ մօտեցան միմեանց հետ հաւատով, թէև այդ հաւատակցութիւնը, ինչպէս կ'առեննէք, շուտով քաղաքական կերպարանք ստացաւ: Յայտնի բան է, որ Պարսիկները հաշտ աչքով չեին կարող նայել այդ իրողութեան վերայ: Այնուհետեւ հայաստանը դարձաւ մի երկապահկութեան ասպարեզ, ուր Պարսիկները ու Յոյները փոփոխական բախտով աշխատում էին տակն ու վրայ անել նրա բարօրութիւնը:

Հայերն էլ չկարողանալով ընդդիմանալ երկու հզօր հակառակորդներին, անդադար միջնորդներ էին ու-

¹⁾ «Հինգ մատը»:

զարկում հաշտութեան նպատակով, բայց խեղձերը գնալով ու գալով «Աննայից դէպի Կայիափա և Կայիափայից դէպի Աննա» ոչինչ չշահեցին, մինչև որ երկու դատաւորները «բաժանուեցին զհանդերձս յիւրեանս և 'ի վերայ պատմութանի իմոյ վիճակս արկանէին»:

Այսօրինակ հայաստանը բաժանուեց երկուսի մէջ 395 թ.: Արևելեան մասը հասաւ Պարսիկներին, Արևմտեանը — Յոյներին, բայց հայ թագաւորներով որպէս վասսալ կամ հարկատու: Այդ կատարեալ աչքակալութիւն էր, որովհետեւ Յոյները մի քանի տարուց յետոյ իրանց բաժնից հեռացրին հայ թագաւորին և այն բոլորը, ինչ որ հայոցն էր կամ հայերէն էր: Այս դեռ բաւական չէ. երբ որ Վարդանանք 451 թ. պատգամաւորներ ուղարկեցին Բիւղանդիոնից օգնութիւն խնդրելու Պարսիկների դէմ; Յոյները, ինչ պէս բուն եւրոպացի զիալօմաներ, այնքան տարանքերան նրանց, մինչև որ Աւարայրի պատերազմը վերջացաւ, իսկ պատգամաւորները դարդակ ձեռքով յետ դարձան այնակեղեց: Անտարակոյս, այդտեղ կրոնական պատճառներ էլ կային. յունական խելքը, որ առաջներում այնքան կուլտուրական էր և սահլծագործող, այժմ խմնորուել էր բնազանացական մասնողութիւններով ու դաւանաբանական նրբութիւններով, որոնց շնորհիւ անդադար ծագում էին նորանոր հայեացքներ Քրիստոսի բնութեան ու տոհասարակ քրիստոնէական ուղարփառութեան մասին: Զարմանալի չէ որ այդպիսի հոգեկան յնցումների միջոցին մարդիկ, ինչպէս և ամբողջ ազգեր, բաժանուէին միմեանցից առանձին յատկութիւնների զանազանութեամբ:

Թեամբ և այնուհետեւ սկսվում էր նրանց մէջ ծածուկ կամ յայտնի գմատութիւն: Մի այդպիսի զըժառութիւն արդէն զգացվում էր հինգերորդ դարի հայերի և Յոյների մէջ յատուկ այն պատճառով որ հայերը սովորաբար չեն սիրում ուրիշի տուար բռնած գնալ և ուրիշի խելքով գործել:

Այս հանգամանքը թէե մեղ մեծամեծ վնասներ է հասցըլ մեր պատմական ընթացքում, բայց այնուամենայնիւ աւելի լաւ է հոգի և ոգու առնկարնեալը. քան թէ ամէնի հետ համաձայնել և ամէն մէկի ետևից քաշ գալ:

III.

Պարսիկները ևս հետեւեցին Յոյների օրինակին: Նոքա էլ վաղուց մտածում էին հայաստանի միւս մասը միացնել իրանց աշխարհի հետ ոչ միայն տարածութեամբ, այլև կրօնով խսկ այս այն ժամանակուայ մտքով, դժբախտաբար, և մեր ժամանակի մաքով, — նշանակում էր հայութեան անունը Ծննծել և ոչնչացնել: Նոցա առաջին ցանկութիւնը, ինչպէս վերը նկատեցինք, կատարուեց. աւելի գժուար էր երկրորդը իրացործել: Այս նպատակին համնելու համար Պարսից կառավարութիւնը գործ էր զնում զանազան միջոցներ:

Նա երբեմն շողոքորթ սիրելութեամբ առատ պարգևներ էր տալիս հայոց նախարարներին և երբ այսպիսի բաներով չէր աջողվում նրանց գլուխը իւղել խստութեամբ պատճում էր նրանց և շղթայակապ բանագան մէջ ձգում: Այսպիսի քաղաքականութեան

հետեւ յայտ է որ Պարսիկները ոչ մի հասկացողութիւն չունեին հպատակի իրաւունքի մասին։ Մի աշխարհի հպատակ լինել դեռ չի նշանակում, որ այդ հպատակը պարտաւոր է մոռանալ իւր կրօնը, իւր լեզուն ու ազգութիւնը։ Հայերը, ինչպէս հպատակ, ոչ թէ Պարսիկներին պիտի ծառայէին, այլ միայն Պարսկաստանին, այսինքն նրա քաղաքական ու անտեսական շահերին, որ, այս դէպքում նշնչպէս նրանց սեպհական շահերն էին։ Բայց տիրապետողի մի այսպիսի առջնութիւն դէպի տիրապետեալը շատ և շատ հեռու էր պարսկական իրաւասութիւնից։

Այսուհետեւ Պարսից կառավարութիւնը սկսեց Պարսիկ մարզպաններ (կուսակալ) ուղարկել Հայաստան, պատուիրելով նրանց որ մօտենան, ընտելանան նախարարների հետ ու խնամութիւն անեն և պէսպէս խնջոքներով նրանց սիրտը գրաւեն։ Բայց մարզպանները, Հայաստան գալով, շրջապատում էին իրանց աւագակաբարոյ և աշխարհակեր Պարսիկ ծառայողներով, որոնց աչքում ոսկին ու արծաթը աւելի նշանակութիւն ուներ, քան թէ օրէնքը ու պարտականութիւնը։ Բայցի սրանից մարզպանները լաւ Հայերին հեռացնում էին գործից և նրանց տեղը անպիտան Հայերին տալիս. իսկ սրանք Պարսից բարեւարութիւնների փոխարէն, երեսանց ընդունում էին դրանց կրօնը, երկրպագութիւն էին տալիս կրակին ու ատրուշաններին և ապա, գուրս գալով այնտեղից, ապականում էին սրբավայրը¹⁾։ Մի կողմից էլ մարզպանները աշխատում էին կաթողիկոսներին ան-

ուանարկել ժողովրդի աչքում, նրանց իրաւունքները սահմանափակելով և տէրութեան առաջե յանցաւոր հրատարակելով։ Շատ կարելի է, որ կաթողիկոսները, ինչպէս և ամեն մահկանացու մարդ, մի փոքր պակաս կամ մի փոքր աւելի գործէին իրանց իրաւունքից, բայց խօ բանը այդ մէ ի՞ո՞վ առելի, այլ մէջ չէ, այլ որ ոյժի օրէնքը կը կնվում է ամէն անդամ, երբ տէր գայլը ուղում է նիքցել մեղաւոր կամ անմեղ գառին !

Մենք հասկանում ենք, որ Պարսիկները կաթողիկոսական հաստատութեան մէջ կարող էին անսնել մի անսպառ ոյժ, մի անխորտակելի յենակէտ, Լուսաւորչու աջով խարսխած, ուրեմն և նուիրակսն Հայոց ժողովրդի համար, բայց այդ «ոյժը» և այդ «յենակէտը» ապստամբողական զիրք չէ բռնած դէպի որ և լինի տէրութիւն։ Հետեաբար Հայոց կաթողիկոսները, պատսպարելով իրանց հօտը այլապաւան յարձակումներից, միշտ տուել են «Զկայսերն՝ կայսեր և զԱստուծոյն՝ Աստուծոյ», այս պատճառով նրանք պատուի պիտի արժանանային և ոչ ոտնաձգութեան, որով Պարսիկ մարզպանները անդադար հարուածում էին Մայր - Աթոռը։

Ահա այդպիսի մարզիկ էին, որ, բռնակալութեան մէջ սնուած, գալիս էին մեր թշուառ աշխարհը բարեկարգելու։ Բայց ով է տեսած, որ բռնակալութիւնը կարողանայ աշխարհս բարեկարգել՞ !

Յայտնի բան է, հայկատակ Հայերն էլ որոնց մասին վերը յիշեցինք, ոչ խղճի խայթոց զդալով իրանց սրտի մէջ, ոչ պատկառանք աշխարհի առաջեւ, նպաստում էին Պարսիկների ձեռնարկութիւններին։ Դրժ-

1) «Ղաղար Փարպեցի»։

բախտաբար ոչ միայն հինգերորդ գարում, այլ և
մեր օրերում անպակաս են այդ տեսակ հայեր, մանա-
ւանդ թիւքիայում, որոնց աեղացիները սովորաբար
ասում են «Քրիստոսվաճառ»։ Նրանք, տաճիկ փա-
շաների և կամ եւրոպայի խոհանոյները աւարտած,
մի ուրիշ աշրեստ չղիտեն, քան թէ Եվրոպան արժա-
նով ծախել ազգը և օտարի փշը արդովել!
Ասածիս Ճշմարտութիւնը կարող է հաստատել
Զնոյեանների ջոկատը, որ մեր հօտի քօսոս ոչխարնէ։
Բայց զրանք մանր - մունր տանու զողեր են համե-
մատութեամբ այն երկու հայերի հետ, որոնց քաջա-
դործութիւնը մի փոքր յետոյ կ'առնենք։

IV.

Ոլովհետեւ յաջորդ գլուխներում անդադար պիտի
յիշուի Զրադաշտի կրօնը, մեր ընթերցողներին հար-
կաւոր ենք համարում գոնէ մի վերահայեաց ծանօ-
թութիւն տալ նրա մասին։

Կրօնը, ինչ տեսակ էլ լինի, սկսած ամենակոպիտ
մտապատկերներից մինչև նրանց վերացական հասկա-
ցողութիւնը, ցըց է տալիս այս և այն ազգի կուլ-
տուրական կեանքի աստիճանները։ Զրադաշտի ու-
սումը, ինչպէս աւանդուած է «Զենդ - Աւեստի» գրքի
մէջ ցըց է տալիս, որ նրան գաւանող Պարսից
ազգը հասած է եղել զարգացած քաղաքական սկզբ-
ունքների։

ԱՀա այդ ուսման համառօտ նկարագիրը։

Զրադաշտ (Զարադուշտա) մազը կամ մարգարէն,
ասում են, որ մօտաբար կայել է Քրիստոսից 1000

տարի առաջ։ Զրադաշտի ասելով, աշխարհիս մէջ
երկու սկզբունք կայ, — բարւոյ և չարի, որոնք գտան-
գում են մշտական թշնամութեան մէջ միմեանց հետ։
Բարի աստուածը, Արամազդ (Ահուրամազդա), «ա-
րարիչ երկնքի և երկրի», վերջ ի վերջոյ պիտի յաղ-
թի չար աստուած հարամանին (Անրօմանիշա,
Ահրամանիշ) և իսպառ ոչնչացնի նրա իշխանու-
թիւնը։ Զրադաշտի գրուածներում կան շատ կէտեր,
որ բնականաբար, հակառակ են մեր այժմեան բարո-
յական հասկացողութիւններին, բայց այնպիսի կէ-
տեր էլ կան, որ համաձայն են քրիստոնէական վար-
դապետութեան։ — Զօր. Զրադաշտը հաւասում է
հոգու անմահութեան։ Նա ասում է. «Մարդս, մա-
հից յետոյ ենթարկվում է դատաստանի, ուր Ահու-
րամազդան արդարութեամբ կշռում է նրա արած
գործերը, թէ բարի, թէ չար և մի - մի նշանակում
իւր մատեանի մէջ։ Նայած դատաստանական քննու-
թեան, հոգուն ցըց են տալիս զրախար և դժոկքը։
Բարի գործերի վերջնական յաղթանակից յետոյ,
բոլոր մարմինները յարութիւն պիտի առնեն, բարե-
պաշտաները կամ աստուածապաշտաները, աշեղ դա-
տաստանից յետոյ, գնում են Ահուրամազդայի ան-
վախճան թագաւորութիւնը, իսկ ամբարիշանները
ոչնչանում են իրանց հարաման չար աստուածի հետ
միասին։»

Պարսիկները գլխաւորաբար պաշտում էին արե-
գակը որպէս կեանքի և կենդանութեան պատճառ և,
որովհետեւ արեգակի նոյնանիւթը երկրիս վերայ կրակն
է, նրանք շնում էին կրակարաններ կամ ատրու-
շաններ, ուր օր ու գիշեր կրակ էր վառվում։

Բայի սրանից Պարսիկները ունեին բազմաթիւ ուրիշ աստուածներ, սրբեր ու հրեշտակներ պէսպէս յատկութիւններով:

Այստեղ հետաքրքրական է մէջ բերել մի ազօթք, որ մենք, համարեա, բառ առ բառ քաղում ենք Կօրչի «Աշորիա աստծուածութիւն» գրքից, որով կարելի է ծանօթանալ այն բազմանուն աստուածների հիմ:—Ահա.

«Փառք և գոհութիւն տէր Ս.հուրամազգային, որ բոլոր ստեղծուածների արարին է: Գոհութիւն և փառաբանութիւն Միհր աստուածին, որ կրում է ձեռքին սքանչելի զէնք,—ամենափայլունը բոլոր զէնքերից: Աղօթում ենք արդար Սրօաշխն, որ սուսերամերկ կանգնած է դեերի զլիսին: Ամենասուրբ մաղթանքով զիմում ենք Երկնակամարին, անեզը և անսահման ժամանակին և Օդին, որոնք վերեկց ներգործում են մարդկային կեանքի վերայ: Աղօթք ենք մատուցանում Ս.հուրամազգայի սրբուհի և դեղցկուհի գուստրին. աղօթում ենք ուղեղ հաւատով Մազդէղանց օրէնքին¹⁾, որ հակառակ է չար դեերի բանսարկութեան: Փառք և պատիւ Ամշասպանդիներին,—մեր վեց սուրբերին, բարեպաշտ Զրադաշտին, արդարադատ Ա.թար-Խորին, Զօրդատին և Ամուրպատին»:

Աստուածները ու սուրբերը միշտ պէտք է հսկեն իրանց հաւատացողի քաջառողջութեան և աջողու-

¹⁾ Հայերէն ձեւը «Մազդէղանց օրէնք» կամ «Դենի-Մազդէղն» եւրոպական գրականութեան մէջ ասվում է «Մազդականութեան».

թեան վերայ, քանի որ նա կենդանի է, իսկ մահից յետոյ նա արժանանում է անմահութեան և երանաւէտ հանգստութեան:

Ինչպէս յայտնի է, հին ժամանակներում կրօնը զբաղուած էր ոչ միայն հոգեւոր կեանքի գնացքը յարմարելու, այլ և քաղաքական կենցաղավարութեան միակ օրէնստուն էր համարվում: Այսպէս էր և Զրադաշտի ուսումը: Քաղաքական սարք ու կարգին վերաբերեալ կէտերից շատերը բաց թողնելով, հարեւանցի այստեղ նշանակնենք միայն ամօւսնութեան մասին, որ անսանի զգուանք էր պատճառում հինգերորդ զարի Տայերին: Զրադաշտը ամօւսնական կենակցութեան մէջ թոյլ է տալիս միանգամայն խառնագնաց վարք. նրա համար արիւնակցութեան կտմ արիւնառութեան աստիճանները նշանակութեան չունին: Բաւական է ասել որ Զրադաշտի օրէնքով ամենամօտ արիւնակիցները կարող էին միասին անկողին մտնել և սերունդ ունենալ որպէս որդին իւր հարազատ մօր հետ, եղբայրը իւր հարազատ քրոջ հետ, հայրը իւր աղջկայ և թռուները իրանց պապերի հիմ: Այդասակակ արիւնախառնութեամբ Պարսիկները մտածում էին ազգային անհատների թիւը աւելացնելու, այն ինչ Փիզիօլոզիան և Էմբրիօլոգիան (սողմնառութեան գիտութիւնը) ամենեկին հակառակն են վկայում¹⁾: Նոյն նպատակով Պարսիկների

¹⁾ Այս մաքով Զինացւոց ամօւսնական գրութիւնը պարսկականի և շատ ազգերի հակապատկերն է ներկայացնում: Նրանց օրէնքով արգելուած է ամօւսնութիւնը ծնողների, պապերի, հօրեղեայների, մօրաբայրերի և առհասարակ ազգակիցների մէջ մինչև հինգերորդ ցեղը արական և իգական

մէջ գոյութիւն ուներ հարեմական կեանքը, այսինքն բազմակնութիւն, որի մասին մի ուրիշ տեղ էլ ունինք խօսեռ:

Սյսպիսի ամուսնական պայմաններ, անկասկած, մեր բարցյական զգացմունքը պիտի շօշափեն, բայց պէտք է իմանալ որ բարցյականութիւնը, մարդկային գործ լինելով և ոչ բնութեան, ունի միայն տեղական նշանակութիւն. նա այնպէս անհաստատ է ու փոփոխական, ինչպէս էլ փոփոխական է մեր կեանքը: Եթէ բոլոր ժամանակների և ազգերի բարցյական հասկացողութիւնը մի որոշ չափով չափէնք, հարկաւոր կ'լինէր ենթագրել որ այն բոլոր ժամանակները ու ազգերը անբարցյական են եղել: Սյդ ակներեթիւրիմայութիւն է:

Զրադաշտի ուսումը, թէե չունի թուզիզմի¹⁾ լայնածաւալ և թաթազուն սիրոյ հոսանքը, այնուամենայնիւ նա զուրկ չէ մարզամիրական կարեկցութիւնից և միանդամյն ընդգէմ է կրօնական մարդատեցութեան:

Պատմական իրողութիւնների վերայ հիմնուելով մենք պիտի ասենք, որ Պարսիկները առհասարակ

ճիւզերով. Գուցէ այս խստութիւնը ամուսնութեան մէջ պատճառ է եղել այն յայտնի ֆիղեկական գերազանցութեան ու սեռական պտղաւէտութեան, որ տուել է Զինաստանին բազմամիլիօն սերունդ:

1) «Բուգդան, ներշնչուած սիրով, թափանցում է աշխարհի մի ծայրից մինչև միւսը. նա թափանցում է ամեռջ տիեզերը վերելից, ցածից, շուրջանակի և ամեն կողմից և նրա սէրն է անշափելի, խորագդաց և խաղաղական»: Տես ուսութարգ. Արտ. Դավիծ», էջ 79:

Ներողամիտ են եղել զէպի օտարի կրօնը²⁾: Միայն վերջին ժամանակներում, հինգերորդ դարում սկսուեց կրօնական հալածանք, որովհետեւ մոգերը, որ առաջ լոկ հոգեորտկանի պաշտօն էին կատարում, այժմ տէրութեան մէջ ստացել էին գերակշիռ և սահմանագրող ոյժ: Հետաքրքրական է ծանօթանալ Հելլվալդի կարծիքի հետ այդ հանգամանքի մասին, որ զնում ենք այստեղ ուսւերէն թարգմանութիւնից: (История культуры Гельвальда, էջ 388):

„Отправление священническихъ обязанностей паходилось, какъ уже замѣчено, въ рукахъ особой касты, маговъ.

„Далѣе религіозной стороны, жречество въ царствѣ Ахаменидовъ никогда не пользовалось вліяніемъ. Отсюда его терпимость по отношенію къ иновѣрцамъ. Ученіе Зороастра, основатель которого въ своихъ „гаесахъ“ рѣшительно объявляетъ себя „невопиственнымъ человѣкомъ“, первоначально было совершенно чуждо стремленіе къ насилиственному распространенію.

„Такое стремленіе мы находимъ впервые при Сассанидахъ, когда духовенство стало опредѣляющимъ госу-

2) Հայերը, և հեթանոսական գարերում; և Քրիստոսից յետոյ, շարունակ ապրելով Պարսկաստանում; համեմատարար ապահով կեանք են վարել և ոչ էլ Ճնշուել նրա իշխանական ձեռի բռնութիւնից: Մինչև անգամ Իսլամի շրջանում, երբ Արաբները, ֆանատիկոսութեան լապտերը ձեռին՝ թէ մարդ, թէ տուն կրակի էին մատնում, Պարսիկները, պէտք է ասել, չմասնակցեցին նրանց ծայրայեղութիւններին և այսօր էլ բարեկամ են մնացել Հայերին, Բայց մեր ժամանակները չար ներշնչումների ժամանակ է և ամէն կողմից թակարդներ են դրած.... Տայ Աստուած, որ Շահերի սիրտը չգայթակղուի այդ թակարդներից:

дарственнымъ факторомъ, однако, и здѣсь дѣло не зашло дальше попыткъ насилиственного обращенія Арміи, бывшихъ главною жертвою такой пропаганды⁴.

Տեղինակի ասածի ապացոյցը, եթէ միայն հարկա-
ւոր են ապացոյցներ, կարող են լինել իսպանիայի
ինկուֆիզիայի սարսափները, այլ և մահմելական
ազգաբնակութեան ֆանասիկոսութիւնը, ուր ուշեմ-
ների խօսքը օրէնք է, իսկ փաղիշահնը—լոկ կանոն:
Բայց մեզ թւում է, որ հալածանքների օրինակը
քրիստոնեաներն են տուել Պարսիկներին, երբ նոքա,
սկսած Երուսաղէմից և Միջերկրական աշխարհներից
մինչև նոյն իսկ հռովմ, խարցիկներ ու կախաղաններ
էին շարում,—առաջ այլադաւ ան կոտապաշտների հա-
մար և յետը նցնալէս այլադաւան քրիստոնեաների
համար, որոնց այսօր էլ հետեւում են շատ «Հայրեր»
և կամ Հայրանման որսորդներ Աստուծոյ առաջէ:
Սյսպէս է լինում միշտ, երբ հոգեորականութիւնը
ստանում է գերակշռութիւն աշխարհական իշխա-
նութեան վերայ:

Իսկ ինչ որ վերաբերում է Հայոց հոգեորական-
ներին, պէտք է ասել, որ նրանց առհասարակ օտար
է եղել «պրօպագանդայի ծրագիրը», որ այնքան
նորածաշակ փորձութիւններ է պատճառել օտարա-
դաւաններին: Սյսպէս է Հայաստանեայց խաղաղակը-
եկեղեցու ոգին: Հարկաւոր չէ մի առանձին նշանա-
կութիւն տալ այն հանգամանքին, որ մեր հոգեորա-
կաններն էլ քրիստոնէութեան առաջին գարերում
խիստ կրօնական ուղղութեան շնորհիւ, ցանկանում
էին ինքնուրոյն դիրք բռնել աշխարհական իշխանու-
թիւնից, որ այնքան էլ չաջողուեց նրանց: Սյսու-

հետեւ հոգեոր հոկիւները, քանի որ հաւատը կենդա-
նի էր գործով և զիս ևս աղատ շահասիրական մա-
նուածներից, մեր դժբախտ պատմական ընթացքում
անբաժան մասնակցել են ազգի զառնութեան բա-
ժակին և շատ անդամ էլ հասարակ զինուորի պէս
կուռել խղճի աղատութեան համար:

Սակայն մէնք մոռացած կ'լինէինք մեր պարտքը,
որ մեր վերայ գնում է տպագրական խօսքի սպասա-
ւորութիւնը, եթէ չյիշենք այսաեղ և այն անար-
ժան հոգեորականների խումբը, որոնք իրանց տղի-
տութեամբ խաւար կիսելով ժողովրդի զլիխն, թու-
նաւորում են նրա հոգեոր կեանքը և գայթթակղու-
թեան առիթ լինում դէպի օտարը: Դոքա մոռանում
են Քրիստոսի «Փշեայ պսակը», որ իրանց պսակն էլ
պիտի լիներ և առանց մշակելու ու գործելու գիտեն
միայն ագահաբար ժողովել և ագահաբար վայելել!

Մենք այդ տեսակ հոգեորականների բարքը կշամ-
բելով, կամենում ենք միայն պատսպարել Հայաստա-
նեայց եկեղեցին օտարների զրպարտութիւններից,
որոնք աղաւաղուած են համարում նրան: Ասում
ենք, եթէ կան այդպիսի աղաւաղումներ, զրանք միայն
Հայոց եկեղեցուն չն վերապրելի, այլ և բոլոր եկեղե-
ցիներին: Ոչ ոքի համար գաղտնիք չէ, որ քրիստո-
նէութիւնը, որպէս և Քրիստոսի ուսումը շատ ազ-
գերից ու եկեղեցիներից, և մանաւանդ եւրոպական
մարդկութիւնից, այնքան արմատական փոփոխու-
թիւններ են կրել որ համարեա թէ անկարելի է Ճա-
նաչել նրա նախատիպը: Բազմաթիւ «Ճիեղերական
ժողովները» աւետարանական կենդանի խօսքը ձու-
լեցին մեռած անօթների մէջ, որոնք այնուհետեւ հին

լեզուների քերականական ձևերի պէս մնացին անհիւթ ու անշարժ։ Այն էլ աւելացնենք, որ այդ «ժողովները» և «աղաւաղումները» զլիստորաբար եւրոպական հողի վերայ են ծագել։ Այս պատճառով մէնք «Հրաժարիմք» ենք տսում այն մաքին, որ հայոց եկեղեցին պատուաստուի մի ուրիշ եկեղեցու հիմքի վերայ, ինչքան էլ այդ ուրիշ եկեղեցին զրուատէր իրան գերազրական ածականներով։


V.

Հալածանքի ախտը, եթէ մի անգամ ընկել է մարզուս զլուխը, բարակացաւի պէս շարունակվում է անդագար, մինչեւ որ մի որոշ վախճանի հասնի։ Այդ որոշ վախճանի համար արդէն պատրաստ էին բոլոր նիւթերը, որ Պարսիկները ամէն կողմից սկսեն ռմբակոծել հայերին։ Վերջին շարժառիթը այս էր.

Սիւնեաց իշխանը, Վասակ, ունէր մի զուստը, որին կնութեան առաւ մի ուրիշ փոքրիկ իշխան, Վարազվաղան անունով։ Յայտնի է, որ իշխանուհիներին սովորաբար մարդու են տալիս նոյնպէս իշխանաղներին, որ նրանց «աղնիւ արիւնը» չխառնուի հասարակ մահկանացուի արիւնի հետ և որ հարստութիւնը, ինչպէս աստուածների պարզեւ, սերնդէ սերունդ միմեանց ձեռն անցնի։ Բայց հէնց այդ աստուածների պարզեւ շատ անգամ փոխվում է նշյն աստուածների պատիժ, ինչպէս և ներկայ դէպքում։ Հաւանական է ննօթազրել որ անփորձ օրիորդը, դանուելով ծնողների բռնութեան տակ, երբ մարդս ստիպուած է լինում հանսալազ կեղծաւորել և ծածկել իւր դդացմունքը։ — ուղէր - չուղէր պիտի գնար Վարազվաղա-

նին, թէև նրան չսիրէր։ Բայց երբ որ փոխադարձութիւն չկայ ամուսնութեան մէջ, ոչ մի հարստութիւն, մի, երկու, երեք միլիօն, ոչ էլ ձոխ տիտղոսներ — լուսափայլ, վսեմափայլ ամենափայլ . . . , չեն կարող բախտաւորութիւն բերել թշուառ դոյզին։ Ես կարծում եմ, որ այն ողորմելի զուսարը որբան արտասունք պիտի թափած լինի գիշերներով, երբ լիալուսինը խորհրդաւոր լցու է սփոռում Վասակի արբայական պալատի վերայ, իսկ նա խոր հառաջանքով միայն անէծք էր ուղարկում երկնքին, որ աշխարհ էր ծնուել!

Մի ժողովրդական երգի մէջ հայ աղջեկը, խոր կսկծալով և մինչեւ անգամ տատի հանգիստը չխնայելով, բողոքում է այդպիսի պսակի դէմ, ասելով—



«Արև լնկաւ մեր պատին,—
Արբայութիւն իմ տատին。
Հոգիդ գատուի, այ տատի !
Ինձ իմ տուիր կոնատին ?

Այս հաշուի պսակն է, և հէնց այսուեղ է սկսվում այն, որ ասում ենք ընդանեկան դրամա, ընդանեկան պատետէն¹⁾։

1) Շատ անգամ պսակը այսպէս ևս է լինում։ աղջկայ հայրը ու մայրը հաւանում են փեսային, իսկ փեսայի հայրը—աղջկան, —և աշա սկսվում է ինսամախօսութիւն, ծշմարիտ, կարծես թէ պսակուողները իրանք ծնողներն են! Ես հասկանում եմ, որ ծնողների սիրաւ չի կարող չմասնակցել մի այդպիսի նշանաւոր դոյզութեան, որպիսի հարազատների ամուսնութիւնն է, բայց պիտի մասնակցեն միայն բարի իրասներով և ոչ բռնութեամբ։ Առհասարակ պէտք է ասել, որ ամուսնական ձախորդու-

Յյդ թշուառ պսակի պատմութիւնը այսպէս է։ Վարազվաղանը և նրա կինը սաստիկ ատում էին միմեանց. Վասակ, որ զօրաւոր և ազդեցիկ մարդ էր, տեսնելով իւր հարազատի անտանելի զրութիւնը, միջոցներ էր որոնում սպանել նրան և երբ որ այս բանը չյաջողուեց, առաւ գուրս քշեց Վարազվաղին հայոց աշխարհից և այսպէս իւր աղջկայ վրէժը հանեց։ Վարազվաղանն էլ չհամարձակուելով ընդդիմանալ իւր աներին, փախաւ գնաց Պարսկաստան և ընդունեց նրանց հաւատը, որ ասվում է Զրադաշտական։ Ապա նա ներկայացաւ մեծ հազարապետ Միհրներսէհին և դրդեց նրան Զրադաշտի կրօնը բռնութեամբ մացնել հայերի մէջ։ Վարազվաղանը մտածում էր, որ սրանով երկու աջողութեան առիթ կունենայ, երկու նպատակի կ'համնի, այսինքն եթէ հայերը ընդունեն, այն ժամանակ նա պատիւ ու պարգև կ'ստանայ թագաւորից, իսկ թէ ընդդիմանան,—տնով-տեղով կ'կորչն։ գուցէ նրանց հետ էլ կորչի իւր ոխերիմ թշնամին Վասակ։ Վասակն էլ տեսնելով, որ իւր հակառակորդը պիտի փառաւորուի Պարսից աշխարհում և կարող էր իրան վնասել ինքը էլ ընդունեց նըն կրօնը. ուրեմն մէկը խեցաւ, միւսը յիմարացաւ, այսինքն երկուսն էլ միասին թուրքացան այժմեան մոքով։ Այնուհետեւ երկուսն էլ, միմեանց հետ մրցելով և միմեանց

թիւնները մեր սօցիալական կեանքի բռնաւոր պայմաններիցն են առաջ գալիս, ուր պսակները գլխաւորաբար կատար կում են հաշուի ու հարստութեան տեսակէտից և "Հանձնուեր ու ինքնուրոյն սիրոց թելագրութեամբ։

առաջը տալով, աշխատում էին «կարմիր բաղնի» պատրաստել իրանց ամենասիրելի հայրենիքի համար։ Ես հասկանում եմ, որ Վարազվաղանի ու Վասակի հաւատափոխութիւնը գեռ մասամբ կարող է արդարանալ հոգեբանական ու տնտեսական վարիանտներով, — այն, որ սեպհական է մարզկային թուլութեան, բայց ինչ անուն տանք նրանց վայրենի նենդութեան, որով զժոխքի պէս զինւորուեցին անմեղ հայրենիքի դէմ և հարազատների արիւնով ներկեցին հայրենի հողը !?

Ավասն քեզ, Վասակ, որ մի ժամանակ «այր խորհրդական և հանձարեղ»¹⁾ էիր հռչակուած հայոց աշխարհում, իսկ այսօր ինչ ես զու՞ Այսօր հայոց ազգը քո յիշատակին կարող է միայն ընծայել ներսէս Շնորհալու տապանազիրը.

«Երբէն էի լյա» և այժմ էմ խառար»։ Էհ, ընթեցող, ինչու թագյնեմ քեզանից, որ մեր ազգի բնաւորութեան մէջ, իրաւի, կայ մի վտանգաւոր զանգուած, որ այս և այն զէպքում երեան է զալիս։ հայը, որ հերսոտուեց, — Աստուած փրկէ, աղատէ! Ազգային մեծութիւն ու պատիւ, ազգային եկեղեցի ու սրբութիւն, որ նա անդադար կրկնում է, մի քոռ կոպէկի տեղ էլ չի գնալ երբ նա մաքումը զրել է իւր ատօրէն ցանկութիւններին հասնելու։ Հասկանալի կ'լինէր, եթէ նրա զայրցյթը վերաբերէր անձնական կամ ընտանեկան պատուին, կամ ազգային զգացմունքի շօշափման կամ մի բարոյական

¹⁾ Վասակի մասին տես «Ամառնային Նամակներ», երես 93—104։

սկանդալի, բայց երբեմն մենք ամենաշնչին պատճառ-ներից պատրաստ ենք նոր ծուտեր հանած թխսի պէս միմեանց երեսը ծուռտել!

Այս մասին օգտակար կ'լինկը մեզ մտաբերել Մէն-ցղի Զինացի իմաստասէրի խրատը, որ ասում է. «Մի աշխարհ, կեղեքուած ներքին խոռվութիւններով, փրկութիւն կ'գտնի միայն իւրաքանչիւրի և բոլորի սիրոյ մէջ դէպի իրանց մերձաւորները»:

Բարցական կարգ և վերին մատառութիւններ խռովարների համար անծանօթ բաներ են:

Ես, անկասկած, յանձն չեմ առնիլ «մեղքի կամ անմեղութեան» տուար գտնելու, նախ, որ դա կ'ստանար տեղական նշանակութիւն և երկրորդ, որ այդ պիսի դէպքում Կարապեաը պիտի մեղաղրէր Մարկոսին, Մարկոսն էլ սրան-նրան, մինչև որ «կուածաղեկը» կ'տանէր կ'հասցնէր մեզ Տրապիօն¹⁾): Այս պատճառով ես այստեղ բաւական եմ համարում կրկնել Կոիլովի «Կարսապ, Զուիլ և Խեցիւալին» առակի վերջաբանը.

«Ումն է մեղքը, ով անմեղ?—
Մեղ չէ դատել.—
Բայց հէնց այժմ էլ բեռն այնտեղ!»

Այդ իսկ բեռը, — ամենածանր բեռը, ընկած է և մեր Թեմական դպրոցների շեմքին, որը ոչ մի տիտան չի կարող տեղից ժաժ տալ Արդեօք կ'սթափուի մեր բանականութիւնը ժամանակիս փորձանքներից, թէ էլի հակառակութեան «Նշառակը» կամ

1) Երախայութեան ժամանակ «Տրապիզոն» ասելով, հասկանում էինք «աշխարհի ծէրը»:

«Յանկան», հաստ ու բարակ մանկլով, միանգամայն պէտք է փաթաթեն մեզ ոտով-գլխով մինչեւ որ մէկը մեր այդ կապն էլ քանդի՞!

Այս անպիտան սովորութիւնը, մենք, երեխ, ժառանգել ենք մեր աշխարհագրական պայմաններից, որ աշխագին ազդեցութիւն են ունեցել ամէն ազգի պատմական կեանքի վերայ: Այնու ամենայնիւ մարզս, որպէս մտածող էակ, կարող էր կրթական ցժերի միջոցով հարթել ու մեղմացնել բնութեան ձախորդութիւնները: Բայց ինչ են մեր կրթական ցժերը, երբ մեր կրթողների թիւն էլ մատերով կարելի է համարել: Այսուեղ համարձակ կարող ենք կրկնել: «Բաղու-ճէ էն կոչեցւալ և առկա ընդուալ»: Քանի որ երիտասարդ ենք, — այն կենսաբեր արևաբացին, մենք մեր աչքի լցուը տեսնում ենք ազգի բախտաւորութեան մէջ. մենք խոստանում ենք մեր բարոյական ու մտաւոր ցժերով ծառայել նորածիլ գրականութեան. բայց, աւաղ! միայն խոստանու-ճէն: այսինքն խօսու-ճէն: Յայտնի է, որ խօսքը շուտով է ասվում; բայց գործը շուտով չի կատարվում: խոստանալու կամ խօսելու համար հարկաւոր է միայն անաշխատ լեզու, իսկ գործելու, — աշխատաւոր բազուկներ և մտախոսհ զլուխ: Ահա այս վերջին յատկութիւնը, որ սովորաբար երիտասարդներիս նշանաբանն է, քաղաքական կեանքում մեղանից փախուստ է տալիս, իսկ լոկ խօսում մենք ընծայում ենք հայոց զրականութեան: Այն ինչ մեր տասնեակ աշխատաւորներին, յայտնի բան է, գժուար է մշակել զիտութեան լայնածաւալ և բազմատեսակ ճիւղերը, որոնք և կազմում են բուն մտքով զրականութիւն:

Այս է պատճառը, որ մեր մտաւորական առուն
երբէք չի հասնում գարնանային առատութեան, միշտ
նուազ է ու ծանծաղ. ոչ խորութիւն ունի և ոչ
էլ խոխոջուն պացյաներ, այնպէս որ ամէն գրագէտ,
ոտերը միայն մի փոքր քշտած, կարող է համարձակ
միւս կողմը անցնել! Այս այսպէս լինելով՝ մենք ան-
կարող ենք համախմբել մեր ոյժերը հասարակաց
օգտի համար: Այս, մենք շատ փոքր բան ենք արել
հասկացնելու հային այն կարեոր ծշմարտութիւնը,
որ մարդս միայն հասարակութեան մէջ պիտի որոնի
իւր մարդկային արժանաւորութիւնը. որ նա հասա-
րակութիւնից դուրս մի ուրիշ բան չէ, քան թէ
լոկ շնչաւոր, քանի որ այդ շնչաւորի մէջ էլ զար-
գացած է ընկերական կեանք և համերաշխութիւն:
Ահա տեսէք, թէ ի՞նչ վիճակի մէջ են մեր չորս - հինգ
պարբերական թերթերը իրանց խմբագրներով ու
աշխատակիցներով: Տեսէք, թէ այն մշակները ինչ
ծանր աշխատանքով ու դառն քրտնքով են առաջ
տանում իրանց գործը, այնու ամենայնիւ նրանք
միշտ կարօտ են նիւթական նեցուկների: Իսկ մեր
սիրարիտները, միշտ փափկանալով և իւղալի սե-
ղաններից վայելով, մեծամտաբար աղաղակում են.
«Եհ, ինչ մարդկի են նրանք, ինչ է նրանց գրածը»!
Ինչ ասեմ ձեզ բարեկամներ, եթէ ձեր սիրտն էլ
յաւէր ազգի առաջազիմութեան մասին, դուք ևս
կ'մասնակցէիք այն գեղեցիկ, բայց դժուար գործին և
կ'զդայիք, որ այդ այնքան էլ հեշտ չէ, ինչպէս ծա-
ռից հասած պտուղներ քաղելը!

Այս, մեր ազգի մէջ շատ փոքր է նշմարվում այն,
որ ասվում է վերանորոգիչ հոսանք: Մեր ազգային

հաստատութիւններն էլ որ այժմ բայցառապէս վե-
րաբերվում են «Հոգեոր Դպրանոցներին», կրում են
իրանց վերայ նշյն անշարժութեան նշանները: Զօր.
Գէորգեան Սկազեմիան անցեալ տարին տօնախմբեց
իւր հիմնադրութեան քսանհինգամեակը, բայց բացի
սովորական ողորմաթասերից ու կենաց թասերից, նա
ընչով յաւէրժացը այդ տօնախմբութիւնը? Ար-
գիօք նա մտածեց, որ դպրոցը ինքը ուսուցիչը լինե-
լով, պէտք է հոգայ այդ ուսուցչի ապաղայի մասին,
որ այսօր գրաւել է լուսաւոր ազգերի ուշապիու-
թիւնը? Մեր խօսքը ուսուցչական ֆօնդի մասին է:
Մեզ կասեն, որ փող չկայ. պատասխանում ենք.
փողը ինքը իրանց չի գալիս, նրան պէտք է կանչել
փայփայել և այնպէս հիւրասիրել որ էլ անից դուրս
չփախչի: Արա համար հարկաւոր է, որ այն տան վե-
րայ լաւ տնաւես լինի:—Մի այդպիսի տնաւեսութիւն
մենք չենք տեսնում հէնց ձեմարանի հիմնադրութեան
օրից: Սկզբումը ձեմարանը համարեա պրօֆէսօրա-
կան ոռաջիկներ է բաժանում վարժապետներին. լաւ
չէր լինի, որ տարէն մի հազար ոռուբլի յետ ձգէին և
ֆօնդի հիմքը զնէին, որ այսօր տոկոսների աւելուա-
ծով մի բարականաչափ գումար կ'կազմէր? Վիրջապէս
մեր ազգի մէջ բարեսէր մարդիկ կան, որոնք տեսնելով
ֆօնդի գոյութիւնը, ուրախութեամբ կ'ձգէին իրանց
լուման հասարակաց գանձանակը: Թող այդ լումա-
ները սկզբում մի աննշան բան լինին, ինչպէս աւե-
տարանական փոքրիկ հատիկը, բայց յետոյ աճելով
առատ արդիւնք կ'բերեն: Ահա օրինակի համար հէնց
մատնացյց լինինք բարեյիշատակ ենօք Բուգաղեանի
վերայ, որ մահից յետոյ կամենալով պատուասիրել

իւր ազգը գեղեցիկ գործով և ու գեղեցիկ խօսութիւն ահազին գումար է կտակել նրան։ Եթէ ուսուցչական ֆօնդը գոյութիւն ունենար, միթէ նրա բարի հոգին անտես կանէր այդ ֆօնդը, ինչպէս և անտես չի արել զրականական ֆօնդը? Մենք համոզուած ենք, որ ձեմարանի վարչութիւնը շատ հեռու է այն հակակուլտուրական սկզբունքից, որ ասում է. «Մեր յանածը մենք պիտի վայելենք, մեղանից յետոյ թող աշխարհս էլ կորչի!» Մենք, ընդհակառակն, կարծում ենք, որ նոյն վարչութիւնը այդ հարցով աւելի է զբաղուած մօտից, քան թէ մենք հեռուից։ Եւ տայ Աստուած, որ մեր հոգեոր Դպրանոցները այդքան երկար զբաղուելուց յետոյ, շուտով կարողանան իրագործել ֆօնդի կենսական խնդիրը։

Ամէն ազգի առաջադիմութեան հաստատ Ճանապարհը է խոստովանել իւր բարոյական ցաւերը և առանց ծածկելու դնել զբանց հրապարակի վերայ։ Հին մեղքերը մեղանից անպակաս կ'մնան, մինչև որ մենք չընդունենք եւրոպէաբար մոտածելու և գործելու եղանակը¹⁾։

1) Մի քանի հրապարակախօսներ, այսօր վմայլուած լինելով Թաթարական ցեղերի առաքինութիւններով, առաջարկում են մարմնաւոր և հոգեոր դաշը կապել նրանց հետ, բայց մենք խորհուրդ ենք տալիս մեր հայրենակիցնեներին չյափշտակուել այդտեսակ հրապարակախօսներից, որովհետեւ նրանց ոսկրի մէջ էլ Թաթարական «զուղ» կայ։

Մեզանում էլ կան մի տեսակ գրուներ, որոնք հեղինակորէն բացագանչում են. «Միթէ ինչ որ եւրոպական է, այն գերազանց է»? — Հարկաւոր է մեզ արդեօք այդպիսի ջրալի մաքերը ջրել ժամանակ չէ արդեօք վերջ դնել այդ հիւանդոտ ճարտասանական տնկոտներին?!

VI.

Վարազվաղանի ու Վասակի թելադրութիւնը պատրաստ արձագանք գտաւ Միհրներսէհի մէջ։

Սյստեղ մենք կամենում ենք մի փոքրիկ նկարագիր ընծայել Միհրներսէհի և նրա աջակից մոգերի բարք ու վարքի մասին այնպէս, ինչպէս ազգում են մեզ մեր տպաւորութիւնները կարող են սխալ լինել յատուկ այն պատճառով, որ մենք նախ հնագէտ չենք և երկրորդ, որ հինը կարող ենք նորի տեղ ընդունել և ընդհակառակն։ Թող մեր նկարագիրը այնքան էլ որոշ գծեր չունենայ, այնու ամենայնիւ մենք, մի փոքր նշյլ կ'ձգենք Պարսիկների կրօնական գոնէ, մի փոքր նշյլ կ'ձգենք Պարսիկների կրօնական ու հասարակական նիստ ու կացի վերայ։ Իսկ այդ նիստ ու կացը այնպէս էր, որ Պարսից տէրութիւնը ոչ մի կերպ չէր կարող նուածել հայերին, այսինքն ազգով սարկացնել, այլ միայն յաղթել իրանց շատութեան շնորհիւ։

Միհրներսէհ «հին վելապն լուրանյն», ինչպէս ասում է Եղեչն, էր «մեծ հազարապետ, վզբուկ հրամանատար», այսինքն առաջին մինհատրը Պարսից տէրութեան մէջ։ Նա ամբողջ երկրում ամէնից զօրաւորն էր. ոչ մի մարդ, թէ մեծ թէ փոքր, չէր կարող նրա ձեռից ազատուել մինչև անգամ ինքը թագաւորը Յաղկերտ լսում էր նրա հրամանին։ Միհրներսէհ շատ ծերացած և ժանդառուած մարդ էր, — մի հասակ, երբ գալարում են անհատի առօղջ գործողութիւնները և նա տկամայ խորասուզում է,

մի տեսակ երկրապտոյտ ու երկնապտոյտ զառանցանքի մէջ: Եյս պատճառով Միհրներսէհ թունդ մլշեռանդ էր, բայց իրան ձևայնում էր բարեպաշտ և երկիւղած, ինչպէս և ուրիշ մեծաւորները առհասարակ: Ամէն օր, արել ծագելիս, նա դուրս էր գալիս հրապարակ, և, մոգերի մի ամբողջ լեզէօն առաջը ածած, հրամայում էր նրանց թափոր անել արեգակի առաջեւ, ապա ծունր դնելով, սրբազան պարեր էր յօրինում նրանց հետ¹⁾: Մրանից յետոյ Միհրներսէհ այցելում էր ատրուշաններ, որ մեծ քանակութեամբ շնչած էին աշխարհի կենդանագիր տեղերում, աշազին տափերով ու կալուածներով: Բայց նրա զլսաւոր հոգար այն էր, որ ատրուշաններում անշէջ պահեն կրակը: Եյս պատճառով փայտակիր բանւորները, երեսը մրոտած ու ձեռները ձագեցած, աչքերն էլ ձպոտած²⁾ օր ու զիշեր պարտաւոր էին ծիրանի ու ընկուզի ծղաններ կրել ու վառել: — Եյս Միհրներսէհի բարեպաշտութեան առաջին գործն էր համարվում:

Հետեւում էին նրան և Պարսիկների գենպետ Մովպետան - Մովպետը մոգերի խաժամուժ խմբերով, բազմաթիւ, որպէս «զաւառ ծովառ», որոնք ցանուցիր պըտարապում էին ամբողջ աշխարհը ծայրէծայր: Նորա երեմն մաւրացիանութեամբ, երբեմն էլ օձակոչ³⁾ և գետնակոչ կախարդութիւններով պլոկում էին ժողովուրդը իր թէ «ի փառս աստուածոց», բայց իսկապէս իրանց սիբարիտ կեցութեան համար:

¹⁾ Տես Եղեկ:

²⁾ Տես Ղաղար Փարպեցի:

³⁾ Տես Ղաղար Փարպեցի:

Այնուշետե պէսպէս նուէրներ էին բերում ո Մէծ Ահուրամազգային, որպէս կաթ, կարագ, պտուղներ, եփած միս, անուշահամ և հազուագիւտ խորտիկներ ու գինի¹⁾: Յետոյ ամօթխած մոգերը, երեսը ու բերանը ծածկած կանոնակ (քօղ), ծալապատիկ նստուած, լաւ մաքրազարդում էին իրանց բերած նուէրները: Թէև այդ բոլորը մատաղի նշանակութիւն ուներ, բայց խեղճ աղքատներին և ուրիշներին շատ փոքր բան էր մնում կերուխումից, իսկ առեծի բայց սովորաբար հասնում էր մոգերին որպէս «անձանց նուիրելոց»: Եյլ սրբազործութեան ժամանակ մոգերը գործ էին ածում մի տեսակ հեղուկ «հաօնա», կամ «օնա»²⁾՝ մի բուսական, որ ծեծում էին հաւանգի մէջ և հիւթը խմում հոգեսոր ներշնչութեան համար, բայց ես կարծում եմ, որ նրանք աւելի ներշնչում էին զինիով ու զանազան ըմպելիներով, որ գաւերի ու շեշերի մէջ շարուած էին «սրբանուէր սուփրայի» վերայ:

Երբ որ վերջանում էր կոնժարան խնջոյքը «ի պատիւ հաօմն աստուածի», Զենդ-Աւեստի թարգմանը, որ կոչվում էր «դէստուր», տեղեց վեր էր կիսում և բայցարում հանդիսականներին, թէ ինչ է մարդուս կոչումը այսուեղ, — Ահրիմանի խաւար աշխարհում, և թէ նա ինչ պիտի անի, որ այսուեղ արժանանայ Ահուրամազգայի լուսաւոր թագաւորութեան: «Զը-

¹⁾ Յայտնի է որ Պարսիկների սեղանը իւր բազմատեսակ կերակուրներով ու ընտիր ձաշակով հին ժամանակներում առակ էր գարձած թյների մէջ:

²⁾ «Հաօմա» կամ «Տօմա», լատ. asclepias—acida—համարվում էր և սրբանուէր խնջոյքների աստուած:

բաշտի սոսոնցը ամենալավին է կետնուի
համար», աւարտում էր հռետորը: Բայց սխալվում
էր հռետորը, որովհետև մարդկային դաւանաբանական
ձևերը իւառն են նոյն իսկ մարդկային մոլորու-
թիւնների հետ:

Այս այսպէս լինելով, ահա Զրադաշտի ուսումն էլ
արդէն հինգերորդ դարում զրկուել էր իւր կենսա-
կան շյժերից, թողնելով այսպէս ասել միայն մի
քանի լաթեր: Մողերն էլ լայն փէշերով ծածկելով
կրօնի բարոյական մասը, որ էլի կարելի էր զանել
այն մնացած լաթերի մէջ, ծէսերի մի այնպիսի կծիկ
էին հիւսել, որ հաւատացող Պարսիկը չէր իմանում,
թէ ինչ պիտի անել աստուածներին հաճոյանալու հա-
մար: Այսու ամենայնիւ մողերը պարծենում էին իրանց
կրօնի գերազանցութեամբ. այդ, յայտնի բան է, մի
առերեցիթ բարեպաշտութիւն է, որով վարակուած
է բոլոր աշխարհը: Ով որ ամէն օր պարծենում է
իւր բարեպաշտ գործերով, նա մի առանձին նշանա-
կութիւն չի տալիս իւր դաւանանքին, երբ նա սկսում
է բոնաբարել օտարագաւանների համազմունքը, լինի
այդ համազմունքը թէ Կօնֆուցիայի հետեւողի, թէ
Դալայ-Լամի և թէ Մուհամմէդի: Ուրիշ բան է,
եթէ այս և այն դաւանութեան մէջ կան այնպիսի սո-
վորութիւններ, որ միանգամայն հակառակ են քաղա-
քակրթութեան կամ մարդասիրութեան կանոններին,
յամենայն գէպս տէրութիւնը կարող է գործ դնել
միայն ներողամիտ և մեղմ միջոցներ և ոչ բոնու-
թիւն: Առհասարակ կրօնական զգացմունքը, մի
նութիւնական շաղկապ լինելով երկրի ու երկնքի մէջ,
պիտի աղաւ մնայ ամէն հարկադրութիւնից, մանա-

ւանդ քրիստոնեայ աղգերի մէջ, որոնց պատուէր է
տուած Քրիստոսից. «Սիրիր քո ընկերին, ինչպէս
քո անձը»: Դժբախտաբար, այդ «կրօնամրցումը»,
կամ նոյն է, թէ ասենք այդ «ազգամրցումը» աւելի
մեր ժամանակի «ծաղեկն» է, ուր միսիօնարները
սկսում են հալածել օտարագաւաններին իրը թէ կուլ-
տուրական բարձր շացերի համար: Բայց միսիօնար-
ները երբէք ընդունակ չեն եղել տարածելու կուլ-
տուրական սկզբունք, այս բառի բուն նշանակու-
թեամբ: Միսիօնարները միայն կարողացել են կամ
ծայրացել քանատիկոսներ պատրաստել կամ ան-
հաւատ ռէնէզպաններ, հակառակութիւն սերմանելով
ազգերի զաւակների մէջ և Մաքիտելի միջոցները
աղգիւնաւորելով ինչպէս նկատվում է այդ և խաղա-
ղասէր, արդիւնարար Զինաստանի վերաբերութեամբ¹):

1) Ինչպէս յայտնի է «Երկնային կայսերութեան» ան-
ցածը ցցց է տալիս, որ Զինացիները գեռ հին ժամանակ-
ներից, իրանց մտաւորական զիւտերով և մշակագործող
արդիւնաբերութեամբ հասած են եղել մեծ կատարելագոր-
ծութեան: Բաւական կլինի եթէ ասենք, որ տպագրական
շարժական տառերը, թրձած աղիւսից շինած, Զինացիներին
ալոդէն յայտնի են եղել 1041թ. Քրիստոսից յետց: Ի դեպ-
այստեղ հարևանցի յիշենք և Խորենացու հալորդածը Զի-
նաստանի մասին, որ այնքան բնորոշ է և հետաքրքրական,
նա ասում է. «Երկրիս երեսին բնակուողներից ձնների ազգը
ամենից խաղաղասէր է ու կենսասէր, Նրանց աշխարհը լիքն
է բազմատեսակ պտուղներով ու բուսականներով... շատ
հարուստ է մետաքսով..., իսկ բոլոր մարդարիտների ու ակ-
ների թիւը այնքան շատ է, որ ասելի չի կարելի. այն
պատուական զգեստները, որ մեզանում սակաւ մարդերի է
մատչելի, Նրանց մէջ հասարակաց զգեստ է»: Հետաքրքրա-
մատչելի,

Այս այսպէս լինելով, մեր ժամանակի անգթութիւնները, լոյս ցերեկով կատարուած, գերազանցեցին գիշատիչ Ըսորեստանի կամ Ներոնների կոտորածներից և մարդս մնաց «օչի պէս Էսքանանէ» և ոչ երբէք «աղաւ-նո- պէս մէտիլո»:

Պարսիկների բռնութիւնը, որ ինչպէս նկատեցինք, հակառակ էր նրանց բնաւորութեան, և մի անգամ միայն բռնկեց, ապա տեղն ու տեղը վերջացաւ: Այսուհետեւ մարդկութեան զլիսից անցաւ 1500 տարի, բայց Մեծ Վարդապետի պատուէրը. «Զիաղալու-նէն զի՞ւ բամ յէլ զիաղալու-նէն զի՞ւ նողու-յէլ» այնպէս էլ մնաց «Զայն բալթաւոյ յանապա-ռէ!» Այս, մարդկային հոգին է այն քարքարուտ հողը, ուր հազարաւոր սերմերից միայն մինը տեղ է գտնում բսնելու համար: Մարդասիրութեան ամենազնիւ գաղափարները, որ երեք հազար և աւելի տարի առաջ աւանդել են մեղ ականաւոր փիլիսո-փոններ, մինչև օրս էլ մնացել են սարի գագաթին, երես դարձնելով մեր խաւարային հորիզոնից և երկն-քի պայծառութեան հետ միանալով: Արդարեւ, մեր քաղաքակրթութիւնը ձեռք է բերել բազմատեսակ տնտեսական պայմաններ, արդիւնաբեր ոյժեր, ճանա-կան է այդ տեղեկութիւնները համեմատել չելլվալդի ասածի հետ. «Шелководство и приготовление шелковыхъ материй также же древне, какъ и самая китайская цивилизаци... Драгоценные камни, золото и полотно были въ древнемъ Китаѣ главными посредниками обмѣна».

(էջ 243):

Ինչպէս ասում է Խորենացին, Մամիկոնեան ցեղը Զի-նաստանից է գաղթել չայաստան:

պարհների հաղորդակցութիւններ, մի խօսքով, նա կատարելագործել է մարդկային բարեկեցութեան յար-մարանքը, կոմֆօրտը, բայց նրա ներքին զանգուածը շատ փոքր է փոխուել:

Նոյն մաքառումը գոյութեան համար և նոյն պա-տերազմները, ու աւելի սոսկալի և արիւնահեղ քան թէ հին ժամանակներում: Ինչ ասենք և նոյն քրիս-տոնէական Ճշմարտութիւնների մասին, որոնց հոգեո-րականները անգամ այնպիսի ամբարշտութեան հաս-ցրել, որ մարդի զլիսի մազերը փշաքաղ են լինում! Մի օրինակ բերեմ ձեզ և բաւական կ'լինի: — Ինչ-պէս յայտնի է, Մշու մէջ այսօր սովոր արդէն ան-ցել է իւր սահմանից. փողոցներում ու մէյդաննե-րում թափառում են հազարաւոր քաղցած ու ծա-րաւ երեխաններ, որոնք օգնութիւն չգտնելով, աղեռ-զորմ հառաջանքներով փչում են հողին:

Ինչ էք կարծում, ի՞նչ է ասում Քրիստոսի սպա-սաւորը¹⁾ այդ խեղճերի մասին, որոնց ինքը Քրիստոս արքայութեան մէջ առաջին տեղը խոստացաւ? Նա ասում է, որ այդ երկնքի պատուահասն է յատուկ այն պատճառով, որ Հայերը չեն ընդունել կաթոլիկութիւն!

Եթէ քրիստոնէութիւնը մի բոտէ միայն խօստո-վանուէր, թէ որքան հաւատաւոր կամ անհաւատ Շարմէտաններ է ունեցել և որքան էլ ունի այժմ, ապա խիստ զարմանալ պիտի, թէ նա ինչպէս է կարողանում տանել այդ բարեկաշտ ցինիկներին ու այդ արենարբու հրէշներին!?

¹⁾ Դա է հայր Շարմէտան, որի Հայրութեան շնորհից Աստուած աղատել է մեզ:

VII.

Կրակապաշտ Միհրներսէհ, զառամած ու թառամած հասակում լինելով, փոխանակ իւր բաղմամեղ հոգին փրկելու, բոլոր ժամանակ զբաղուած էր հայերի փրկութեան հարցով, ինչպէս և քրիստոնեայ նարմէտանները:

Ամէն անգամ, երբ որեիցէ հասարակաց հաստատութիւն սկսվում է հին շորի պէս ձղուել, Միհրներսէհի պէս մարդիկ վերջին ձիգն են թափում գոնէ արուեստական ճանապարհով այն հաստատութիւնը պաշտպանելու, մինչև որ ծովի ննելու յանձնելը անարգել սրբնթացութեամբ տակով կանի ամէն բան, որ աւելորդ է հասարակութեան համար:

Զրադաշտի կրօնը, ինչպէս ասել ենք, այլ ևս պիտանի չէր. շատ էր ապրել շատ էլ ծերացել բայց Միհրներսէհ ընդհակառակն էր կարծում: Նա հանգիստ չէր տալիս Յազկերտին, որ սա ազդու միջոցներ գործ զնէ Զրադաշտի ուսումը հայերի մէջ մացնելու: Թագաւորը¹⁾, որովհաւել զլիսում թագաւորական իմաստութիւն չունէր, ախորժելով լսում էր Միհրներսէհի շնչոցներին: Նա մոռանում էր, որ թագաւորին արժան է միայն հսկել բոլոր հպատակների բարօրութեան վերայ. արդարութեամբ կշռել ամէն մէկի վաստակը առանց կրօնի խարութեան, պատճառ

¹⁾ Սրա մասին Եղիշէն ակնարկելով ասում է. «Թագաւորը, որ իւր ամոռի վերայ իմաստութիւնն էլ չունի, չեկարող համապատասխանել իւր վիճակին», այսինքն իւր բարձր կոչման:

ինքը թագաւորը պատկանում է բոլոր նուածած ցեղերին և ոչ թէ մէկին: Նա մոռանում էր, որ իշխանները փառքի և աւազութեան համար ման են ածում իրան և աւազակաբար քանիցում խեղճերի տուն ու տեղը: Հայերը ասում են նրան. «Թագաւորը ապրած կենայ, մենք այսքան տարի հաւատարմութեամբ ծառայել ենք քեզ և քո նախնիներին, ոչ մի դաւաճան չի եղել մեր մէջ. պատերազմներումն էլ զէնքով ենք սրբել մեր քրտինքը, աշխարհի հարկերն էլ վճարել անխափան և ոչ ուրիշների պէս զողայել: — Ասա, արքայ, մեր գաւանութիւնը կամ ազգութիւնը քեզ ինչ է արել? Թագաւորը, շրջապատած աղէտ մագերով սրոնց երեսին կարելի էր կարգալ «Խառապն անգոյ և «Կառապն»», պատասխանում է նրանց. «Յանցանք եմ համարում ձեր արած ծառայութիւնը ու ձեր առւած հարկերը, քանի որ չէք լնդունում մեր լուսեղին հաւատը»: Սրանից յետյ թագաւորը ձայն տուաւ զպրապեաին և հրամայեց նրան մի նամակ պրել հայաստան, ծաղքելով հայոց գաւանութիւնը ու կրօնական սովորութիւնները:

Հայերը նամակը ստացան Արաւաշատ քաղաքում, ուր և հաւաքուեցին 16 եպիսկոպոս և Յովսէփի կաթողիկոսի նախագահութեամբ կազմեցին ընդհանուր ազգային ժողով: Այդտեղ ներկայ էին ուրիշ բազմաթիւ հոգեօրականներ, մեծամեծ նախարարներ և բոլոր գաստակարգերի պատգամաւորները: Հայոց ազգը մի այդպիսի բաղմանարդ ժողով չէր տեսած քրիստոնէութիւնը ընդունելուց յետյ: Առաքելական գարերի մաքրութեամբ, հաւատով անկեղծ, հայրենասիրութեամբ անկախալից զիտութիւն-

ներին քաջ ծանօթ, իսկ մտքերի գտառաւորութեամբ օրինակելի այժմեան աստուածաբանների համար,— ժողովը այնպիսի համարձակ պատասխան ուղարկեց թագաւորին, որ շատերը ահօվ-դողով էին լսում: Պատասխանն էլ այսպէս էր վերջանում: — «Այս հաւատից մեղ ոչ ոք չի կարող խախտել ոչ սուր, ոչ կրակ և ոչ ինչ տեսակ էլ լինին հարուածներ... Քո սուրը, — մեր պարանոցը, մեր բոլոր ունեցած-չունեցածը քո ձեռին է, ինչպէս էլ ուզում ես, — արա»... Յազկերտ որ այս լսեց, սկսեց օրհասական վերաւորի պէս կրծտել իւր ատամները:

Հայոց զլիսաւորներին իսկցին պահանջեցին Պարսից գուռը և սահպեցին իրանց հաւատը ուրանալ: Նախարարներն էլ քաղաքական բարձր շահերի համար երեսանց ընդունեցին կրակապաշտութիւն: Այս որ տեսաւ թագաւորը, ուրախութիւնից իսկոք թռաւ, նա բոլորին զրկում էր ու համբուրում: Բոլորին էլ սիրելի բարեկամ անուանում: Այնուհետեւ նախարարներին տալով զօրք և եօթ հարիւր մոգ, տուին նրանց և մի կանաչական հյահանդ, որ տանն հայաստան:

Աշա այդ հրահանդի զլիսաւոր կէտերը. —

«Հայոց եկեղեցին իւր բոլոր կարգերով պէտք է փակուի: Վարժապետները այլևս իրաւոնք չպիտի ունինան ժողովուրդը ուսուցանելու, այս պատճառով հայոց դպրոցներն էլ գոյութիւն չունին: Նախարարների և հասարակ կարգի տղայ ու աղջիկ պէտք է հաւաքուեն հրապարակներում մոգերի դասախոսութիւնը լսելու ու դաստիարակուելու համար: Առվարական ամուսնութիւնն էլ պէտք է լուծուի և սահ-

մանուի բազմակնութիւն. երկու ևս սեռի մէջ պիտի անխափիր մերձաւորութիւն լինի, թէկուզ մի ընտանիքի անդամ լինէին և արենակից»: Միով բանիւ, հայերը պիտի մոռանան ոչ միայն իրանց կրօնը, այլ և հայերէն խօսքը, ուրիմն մեր ժամանակի մաքով, բոլոր զրականութիւնն էլ որը այսօր ապահոված է տէրութեան անշարժ օրէնքով:

Մենք այստեղ կամենում ենք մի երկու խօսք ամել «Ֆրան-ոլոներէն ինահո-նետան» և «Էտուն-անո-նետան» մասին:

«Մերձաւորների ինամութիւնը» և «բազմակնութիւնը», ինչպէս երեսում է, հայերի մէջ էլ գոնէ բարձր գասակարգում; գոյութիւն է ունեցել: Առաջինի մասին Խորենացին ասում է. «Յազգաց նախարարացն բառնայ (Ներսէս Մեծն) զմերձաւորաց խնամութիւն, զոր վասն ապահելոյ սեպհական ազատութեանն առնէին». (զիրք Գ, վլ Ի):

Բայց թէ «մերձաւորների ինամութիւնը» ինչ աստիճաններով է կատարուել ուրիշ աղբերներ չունենալով դժուար է որոշել: Յամենայն դէպս պէտք է մատճել որ խնամութեան աստիճանները, մանաւանդ քրիստոնէական գալերում, Ներսէս Մեծի ժամանակի, այնպէս մօտ չպիտի լինէին, ինչպէս Եղեշէն է հաղորդում «Հրահանգների մէջ» Պարսիկների վերաբերմամբ, — այն, որ և Հելլվալիի „История культуры“ գիրքն է հաստատում (էջ 380): Իսկ ինչ որ «բազմակնութեանն» է վերաբերվում, ահա նցին Խորենացու խօսքերը. «Ներքինիս խղել հրամայէ (Վաղարշակ) և նահապետ նոյա (կարգէ) զ՞այր իշխան» (որ և Մարգարետ էր կոչվում: Այս սովորու-

թիւնը եղել է և Պարսիկների մէջ. — „Въ древней Персии существовалъ уже унизительный для женщины институтъ надзирателей—евнуховъ“, *ասում է չելվալդ* (Էջ 380): Աւրեմն հայր-Մարդպետը թագաւորի կանանցի զիւաւոր վերակացուն էր, ինչպէս այժմ Սուլթանի «Հարեմի» զլիաւորը ասվում է «Կղլար-Աղասի»:

Արժանի է ուշագրութեան այն հանգամանքը, որ Խորենացին բազմակնութեան հաստատութիւնը հենց Վաղարշակի օրերիցն է զնում, որ Պարսիկների աշխարհից հայաստան գալով, զուցէ իրանց սովորութիւնն էլ հետն են բերել:

Եատ կարելի է, որ բազմակնութիւնը հայերի մէջ Վաղարշակից առաջ էլ եղած լինի, բայց որ Վաղարշակը օրինական ձեւ է տուել ամուսնութեան զործին և որոշել յարաբերութիւնները ամսանացողների մէջ: Բազմակնութեան հետքերը մենք տեսնում ենք Խորենացու պատմութեան, մէջ Վաղարշակից համարեա 300 տարուց յետոյ, այն է Արտաշէս երկրորդի ժամանակ (78 — 120 Քրիստոսից յետոյ), ուր Սրիստոն Փեղլացին, ականատես լինելով նրա թաղման հանդիսին, ասում է. «Թէ որքան ամբոխութիւնք (շատ մարզիկ) մեռան (մեռյրին իրանց) ՚ի մահուանն Արտաշէսի. «՚իւել կանայ+ և հարճ+ և մտերիմ ծառայք» (Գիրք Բ., գլ. Կ.):

Բայց բազմակնութիւնը, ինչպէս երեսում է, շարունակուել է հայերի մէջ և քրիստոնէութիւնը ընդունելուց յետոյ, որովհետեւ Խորենացին (զիրք Բ., գլ. ԴԲ.) Տրդատի վախճանի մասին խօսելով ասում է ի միջի այլոց. «Ընդդիմանան կամաց թագա-

որին յաղագս կրօնիցն քրիստոսականաց, զհեռ երեւալ կանանց և հարճից»: Տելվալդին էլ («История культуры», стр. 122) այսպէս է խօսում այդ իսկ հարցի մասին. «Յայտնի է, որ քրիստոնէական եկեղեցին անդամ, ամուսնութիւնը իւր եօթ խորհուրդներից մինը համարելով, երկար չկարողացաւ վերցնել բազմակնութիւնը հոռվմայեցւոց կայսերութեան մէջ, մինչև որ 393 թ. հրապարակով արգելուեց այդ սովորութիւնը հոռվմայեցի հպատակների համար»:

Այս բոլոր աեղեկութիւնները նորից կարող են վկայել հայկական պատմագրի կամ նրա աղբերների վաւերականութիւնը, պատճառ այժմեան հնախօսութեան և կուլտուրայի զրականութիւնն էլ նցնն է հաստատում; Քանի որ Խորենացու ժամանակ այդպիսի զրականական հաւաքածուներ չեն եղել:

VIII.

Վելոյիշեալ հրահանդի յօդուածներից պիտի մի ծանր խնդիր որոշուեր, — «Ո՞նք թէ չլինել հայութեան»? Եթէ հայոց գպրոցները պէտք է փակուեն և հայ գաստիարակութիւնը վերջանայ, էլ ինչպէս կարելի էր ապահովել ազգութեան տարրը!?

Յայտնի է, որ ամէն ազգի լեզուն, որպէս իւր մէջ ժողովող մի կենցլուն, ամփոփում է այդ ազգի բոլոր հոգեբանական և ֆիզիոլոգիական գործողութիւնները, այսինքն որ հայտնաւը կամ հայտնութիւնը կամ առաջացնութիւնը կամ առաջացնութիւնը բացառապէս կարող են կատարուել իրանց լեզուով: Այս պատճառով իր-

թուած ծնողները, ինչպէս և հասարակութիւնը ու դպրոցները, միասին աշխատառմ են, որ առաջն ձայները, երեխայի ականջին հասած, լինին մայրենի լեզուով։ Դրա հետևանքը այն է, որ «այդ ձայները», անդգալի դրոշմուելով՝ «խօսքի գործարանի մէջ», երանական ցնորդի պէս կախարդում են մանկական սիրտը և պատրաստում ազգային նուիրական ձրգատումների համար։ Այս թէ ինչու ոչ մի կերպ չե կարելի արդարացնել մեր այն ծնողներին, որոնք մի անբնական ուղղութիւն են տալիս իրանց երեխաների դաստիարակութեան։ Նրանք հինգ սկզբից, երեխան աշխարհ գալիս, նրա հոգին, նրա ներքին ու արտաքին կեանքը միրտում են օտար աւագանի մէջ և այդպէս առաջ տանում, այնպէս որ այն, որ երեխայի համար պէտք է լիներ հարազատ ու ընտանի, այժմ թւում է նրան անհարազատ և խորթ։ Յետոյ, երբ որ երեխան սկսում է մեծանալ ու ճանաչել իւր աջ ու ձախը, — և ահա հոգատար ծնողները սովորեցնում են նրան ամէն բան բացի հայերէնից, ասելով, «որ այդ յետոյ կ'լինի»։ Վահ, պատուական ծնողներ, զոնէ այդ էլ չտակիք, որ յետոյ կ'լինի։ Հարցնում եմ ձեզ արդեօք յետոյ ուշ չե լինիլ?

Իրաւի, զարմանալի է հայերիս անտարբերութիւնը դէպի մայրենի լեզուի իրաւունքը։ Իրաւի, մենք շատ շուտ ենք ենթարկվում օտարի ազգեցութեան, թէե այդ օտարը ոչ մի մտաւորական առաւելութիւն չունենար մեր առաջեւ։ Եթէ մեր զրացին վրացի է, կամ թուրք, կամ Զէրքէդ, հաւատացած լինիք, որ հայը իսկոյն կ'սեպհականէ նրանց լեզուն, իսկ իւրը կարի վերայ կըձգի։ Ես մտածում եմ, որ մեր չինա-

դմայլ օրերին, եթէ Զինացիներն էլ վեր կենացին ու գային հային ընտելակցելու, անտարակոյս, նոյն հայի շըմունքին կ'հնչէր և միավանկ ու դժուարամարս Զինարէնը !

Բայց մենք դառնանք մեր լեզուի ու կրօնի խընդիրներին անցած ժամանակներում։

Ինչ որ Պարսիկներն էին կամենում անել հայերի հետ հինգերորդ դարում, չոռվմայ Պապերն էլ նշյն բանը ձեռնարկեցին 12-րդ դարում։ Չոռվմայ Պապերն էլ նոյնպէս «միակ ուղղափառ» հռչակելով իրանց դաւանութիւնը և խոզալով հայերին, որպէս «աղանդաւորների», կամեցան նրանց առաջեւ բանալ արքայութեան զոները, մանաւանդ որ նոքա կարծում էին և կարծում են, որ երկնքի բանալին իրանց ձեռն է, բայց ինչ պայմանով? «Մտցնելով Կիլեկիա, Լեռն Ա երկրի մէջ Լատին լեզուի ուսումը և երեխաներին վարժել մինչեւ տասներկու տարեկան հասակը»¹⁾, որպէս զի նրանց ուղ ու ծուծը միանգամայն տոգորուի «ուղղափառութեամբ»²⁾։

Պէտք է արդարութեամբ խոստովանուենք, որ չոռվմայ քահանայապիտները և չոռվմայ եկեղեցին զարմանալի պեղագողիկական տակտ ունին։ Նրանց քաջ յայնի է այն հանգամանքը, որ մարդուս ա-

1) «Կարգել յերկրի տէրութեան Լեռի ուսումն կատին լեզուի և վարժել զմանկունս յերկոտասան ամենից 'ի վայր»։ (Տ. Ալիշան «Սիսուան»)։

2) Մենք այսպէս խօսելով, ամենեին հեռու ենք կրօնական ինդիրներ շօշափելուց, մենք բարեխղճութեամբ կարդում ենք այն, ինչ որ դրուած է և միայն այդ դրուածի ողին վերլուծում։

պազայ գործունեութիւնը տիրապէս կախուած է նրա սկզբնական տպաւորութիւններից, որ և մինչեւ 10—15 տարին արդէն համուռմ է կատարելութեան։ Այս պատճառով կաթօլիկ քարոզիչները սովորաբար չափահաների հետ բան չունին. նրանց գլխաւոր առարկան երեխան է։

Երբ որ կեսն II ստացաւ հռովմայ «Միաբանութեան» վերջին թուղթը, «Կոչեալ զկաթողիկոսն և զեպիսկոպոսն հարցանէր, թէ զի՞նչ պատասխանի տացնեն պատգամին, և նոքա ոչ հաւանեցան առնել զինդիրն (կատարել), և առէ յնոստ կեսն. Դուք մի ինչ հոգայք վասն այգորիկ, ես հաճեցից զմիտս նոցա առ անգամ մի կեղծաւորութեամբ» (տես «Միառան» 468 էջ)։—Միայն այս պայմանով 12 եպիսկոպոսը (որոնց մէջ էր և ներսէս Լամբրոնացին) համաձայնեցին ստորագրել «Պատասխանը», իսկ կաթողիկոսը, որպէս հաւասարազօր և ինքնուրժյն եկեղեցու գլուխ, բացէ ի բաց հրաժարուեց ստորագրել։

Այսպիսի առաջարկութիւններ եղած են և ուրիշ ժամանակներում և ոչ միայն հռովմէական, այլ և ուրիշ եկեղեցու կողմից, բայց չայոց ազգը միշտ մաքանել է այդ առաջարկութիւնների դէմ։ Թէ մեր նախնիները լաւ են արել կամ թէ ոչ որ այդպէս են գործել և կամ որ կրօնական ձեզ աւելի «ուղղափառ» է, — հարցը ամենեին զրանում չէ, այլ որ մեր ամենաթշուառ միջոցներին չայի նշանաբանը միշտ եղել է կուսաւորչական գաւանութիւնը, որ թէ այսպէս և թէ այնպէս մնացել է ինքնուրժյն և անկախ։ Եթէ կուսաւորչականը այնքան էլ հաշտ

աչքով չի նայում այլագաւանի վերայ, դրա պատճառը այլագաւանութիւնը չէ, այլ որ «այդ այլագաւանը» աշխատում է նրա ծոցից խլել հարազատ որդին ու օտարացնել։

Այս այսպէս լինելով, հռովմի ջանապրութիւնների հետեւանքը այն եղաւ, որ հայոց կաթողիկոսը, Գրիգոր Տղայ, ընդունեց Պատերի թաղը «Թէավա», իսկ «միութեան թղթերը» այնպէս էլ մնացին զրուած թղթեր։ Հինգերորդ զարի հայերն էլ Պարսից «Հրահանզը» տեսնելով, պարսպաձև շարուեցին միմեանց ետեից «Քեանուի և Տահուան» գնով պաշտպանել իրանց լեզուն, կրօն ու հայրենիք։

Այնուհետեւ ուրիշ քաղաքական ալիքներ եկան և աւելանեներով ծածկեցին մեր հայրենիքը։ Բայց ոչ մի ալիք, ոչ մի հալածանք չկարողացան չային բաժանել իւր սիրած հողից։ Մինչև այսօր էլ հայր, մի աչքը ձգած իւր պատերի գերեզմանների վերայ և միւսը իւր արտի վերայ, մնաց իւր հողին հաւատարիմ ընկեր։ Իրաւի. Եթէ բնութիւնը երկու ձեռքով չէ բաշխել հային աշխարհի բարիքը, բայց նրա երկու ձեռն էլ չի կապել ծուլութեան ձիրքով։ Ընդհակառակին, նոյն բնութիւնը զրել է հայի մէջ աշխատասիրութեան ողի, որ կուլառուրական կեանքի ամենահասատաա զրաւականն է։ Բայց ափսոս որ այդ գեղեցիկ յատկութիւնը շատ փոքր նշանակութիւն կունենայ, եթէ լուսաւորութեան զրօշակն էլ չծածանուի հայի զլսին։ Զայն տալ հային գեպի նոր կեանք ու յարութիւն, որոնել միջոցներ, որ մեր սերունզը չլուծուի օտարի մէջ, — այն անանցանելի վիճն է, որի առաջ շաղվում է զործողի միտքը։

Այսպիսի յիշողութիւններից երբեմն մարդուս սիրալ լցուած, չի կարող անտարբեր մնալ զէպի իրողութիւնը: — Սյո, նո ու թանաքի տեղ միայն ու արտասունքի կաթիլներ է թափում թղթի վերայ! Էհ, ինչ երկար խօսեմ, ընթերցող երբ երկար խօսելու էլ իշխանութիւն չունինք:

«Դու քու դարդերը լաւն գիտես, խեղճ Աղամ Աղքար, Խալիլը ի՞նչ ա խաբար»:

Ուրեմն, եկէք էլի դնանք մեր հին հայրենիքը և տեսնենք, թէ ի՞նչ են անում այնտեղ մողերը:

IX.

Մողերը, ինչպէս ասում են, իրանց «Ճռ-ւ ու կառ» հաւաքած ձանապարհ ընկան: Ձանապարհութութիւնը զէպի հայաստան մի կատարեալ տօնահանդէս էր մողերի համար: Նոքա, դեռ ևս հայոց աշխարհը չհասած, ձանապարհին փայտեր էին ձգում, վիճակ էին հանում: թէ ով ի՞նչ նահանդ պիտի ստանայ ուսուցանելու համար: Յայտնի բան է, որ մողերի գլխաւոր դարդը այնքան էլ ուսուցանելը չէր, քան թէ իրանց լայն զրպանները խճողելու: Բոլորն էլ շատապում էին «տաք տեղեր» զրտուել որովհետեւ «ով չուշտ—նա կուշտ»: Քսան ու չորս օրում մողերը նախարարների հետ միասին մտան հայաստան և կանգ տուան Անգղ գիւղում: Ապա նրանք, օդնութիւն կանչելով իրանց սուրբերին, — հօրդատին և Ամաւրզատին, փորձեցին զիւղի եկեղեցին քանդել: Բայց ինչպէս կարող էին քանդել քա-

նի որ պատրաստ կանգնած էր այդտեղ բազմաչեց Ղեռնդ երկցը! Սա, մատեմատիկաբար ձիշդ հաշուելով մողերի գալու և գալտարելու կէտը, իսկոյն իւր ընկերակիցների հետ վրահասաւ և պատեց եկեղեցին: Եւ որովհետեւ այդպիսի զէպքերում մարդկութեան ձեռին մի ուրիշ հնար չկայ պաշտպանուելու, քան թէ զործ դնել «ան ընդ ական, առանձ ընդ առանձ», — Ղեռնդեանք էլ զինւորուած քարերով ու գաւաղաններով, մողերի կառավինները (քեալլա) ջարդեցին և մացածներին ցանուցիր յետ քշեցին¹⁾:

Անտարակիցս, հաւատափոխ նախարարներն էլ միացան Ղեռնդի խմբի հետ և այնուհետեւ սկսուեց ընդհանուր տագնապ:

Սյո բոլորը շուտով հասաւ թագաւորի ականջին: — «Խոռովհեցաւ հերովդէս և ամենայն երուսաղէմ ընդ նմա»:

Ուզիղ 451 թւականն էր Քրիստոսից յետոյ: Տիղբոն, Պարսից մայրաքաղաքը, միանդամայն փոխել է իւր սովորական կերպարաննքը. թագաւորական պալատն էլ խորասուզուել մի անփարատելի տրամութեան մէջ: Միշտներսէհ, Մովլիստան Մովլիստ միւս

¹⁾ Այստեղ Ղաղար Փարպեցին մի շատ բնորոշ բան է պատմում: Նա ասում է. «Հայոց կանայքը, որոնց մողերը եկել էին կրթելու, այնպիսի զլուանքով էին նայում նրանց վերայ, որ պատահելիս շուռ էին գալիս, որ մողերի երեսը անգամ չտեսնեն: Նոքա իրանց դաստիարակներին էլ խստիւ պատուիրել էին, որ երեխաններին երբէք չանցկացնեն մողերի մօտից»: Այսպէս էին հնագերորդ դարի կրթուած կագերի մօտից»:

մեծամեծների հետ, ձեռները ծալած, չեն համար-
ձակվում նայել թագաւորի երեսին, որովհետեւ հա-
յելը, «Երկչու ու սալուկ հայելը», շատ և շատ
զբաղացեցին թագաւորից իրանց մարդկային ար-
ժանաւորութեամբ։ Ուրեմն հարկաւոր է պատճել
այդ սարուկներին։ Ամէն կողմից զօրքեր են որ թափ-
ւում են Տիղբոն, կազմակերպվում են զնդեր ու
վաշաեր ու սպառազէն փղերի երամակներ։—Եւ շողաց
բախտավճիռ սուսերը։—Զու! դէպի պատերազմի
վաշաը։

Սրտաշատն էլ պակաս հոգսի մէջ չէր. միայն
այսաեղ ոչ մի արտամութեան սառւեր չէր երեսում,
ինչպէս Պարսից բանակում։ Բոլորն էլ պայծառ և
զուարթ արամազրութեան մէջ էին։

Աշա վրանից գուրս է ցայտում և Վարդանանց
ովին, —ինքը Վարդան Մամիկոնեան, որ երիտասարդա-
կան աշխայժմ երեսին, գառնալով գէպի զօրքը, ասում
է. «Տղէք, «Մահը ընէլով հարստոնիչ է»։ Թող
ձեր գործերը վկայեն յետագայ սերունդներին, որ
գուք ձեր արիւնը ջրի պէս էք թափել հայրենիքի
պատուի համար։ Ես զգում եմ, ես հաւատում եմ,
որ այսօր Միամին Որդին է մեղ առաջնորդում։
Տէրն օդնական ձեղ քաջեր։» Իսկ զօրքը ներդաշնակ
եղանակելով «Դատեա, Տէր, զայնոսիկ, շք դատին
զմեղ զինու և ասպարաւ օդնեա մեղ»—տեղից շար-
ժուեցին գէպի Աւարայր։

Թնդաց հայկական բամբիսը. ժողովուրգն էլ որ
խռնուած էր այնաեղ ահապին բազմութեամբ, ցըն-
ծալից աղաղակեց. Լուսաւորչու աջը ձեղ օդնական,
սուրբ մարտիրոսներ !

X.

«Երկինք ու երկիր խիստ հառաջեցին,
«Թու ինչպէս ընկաւ Վարդանն ահապին»։
(Անժեղ ՈՏԱՆԱՈՐ)։

Ասում են, որ պատերազմը ստեղծում է հերոս-
ներ։ Շատ կարելի է, թէև եղել են և կան պատե-
րազմներ, որոնք ոչ մի հերոս չեն ստեղծել. բայց
ստոյդ է, որ հալածանքը ստեղծել է և հերոսներ, և
մարտիրոսներ։

Ազգերի պատմութեան մէջ մենք սովորաբար երեք
տեսակ հերոսներ ենք նկատում, որոնք այլևայլ
ձանապարհներով են գործում ազգը փրկիլու նպա-
տակով նրա ընդհանուր ձգնաժամին։ Առաջին կարգի
հերոսները նրանք են, որոնք առանց հաշուելու իրանց
ոյժը, համարձակ գուրս են զալիս ահապին թշնամու-
ղէմ և, արխաբար նահատակուելով ընկնում պա-
տերազմի զաշտում։ Սոքա համօղուած են, որ իրանց
մահը կ'մնայ մի անջնջելի արձան զալոց սերունդների
առջև, նրանց կրծքի մէջ սէր ներշնչելով գէպի հայ-
րենիքը։—Այսպէս են մեր պատմութեան մէջ Վար-
դանանք և զիստաւրաբար ինքը Վարդան։ Երկրորդ
տեսակի հերոսները նրանք են, որոնք գործում են
աւելի քաղաքապէտի ձանապարհով, քան թէ պա-
տերազմով, որով և նուածում են թշնամու սիրաը
և թշուառութեան առաջը առնում։—Մի այսպիսի
հերոս էր Վարդանի եղօրորդին, —Վահան Մամի-
կոնեան։ Իսկ երրորդ կարգի հերոսները, թէև ան-
ձամբ քաջութեան հրաշներ են գործում, բայց նա-

խատեսելով աղջի թուլութիւնը, ուղղակի գնում են հակառակորդի բանակը և խնդրում հաշտութիւն:

Սյդպիսի հերոսներ մենք տեսնում ենք Բազրատունեաց և վերջին Ռուբինեանց ժամանակներում: Սակայն յետագայ սերունդների համար միշտ գերազանց ու պանծալի են հոչակվում առաջին կարգի հերոսները, որոնց արիւնը, կարծես թէ ամբողջ դարեր հոսելով, չեցամաքում, որովհետեւ, ասում են, որ նա մի ուրիշ բազազրութիւն ունի. — այն սքանչելի է, կենսունակ և թարմ!

Իրաւի, հենց այդ հերոսների պատկերը մի գեղարուեստական քանդակի պէս է տպաւորվում ազգի դիտակցութեան մէջ, այնպէս որ աւելի հեշտ է նրա թոքերը դուրս քաշել կրծքից, քան թէ այն պատկերը, որ արդէն տարրացած է նոյն աղջի հոգու հետ:

«Նորահայտ պատկանաց» Վարդան շատ լաւ էր հասկանում, որ այսօր չէ էգուց հայոց բարօրութիւնը պիտի ձեռից գնայ և ստրկութեան լուծը ծանրանայ աղջի գլխին: Տարկաւոր էր, ուրեմն, մի դիւցալական գեպք, մի տրագիկական վախճան, որ մշտավառ կան գեպք, մի տրագիկական վախճան, որ մշտավառ հրդեհի պէս բորբոքէր աղջի երեակայութիւնը: — Սյդ մշտավառ հրդեհը Վարդանանաց մահն էր Աւարյի դաշտում:

Մեր անցած կեանքի մէջ փառաւոր յաղթութիւններ էլ են եղել բայց ոչ մի փառաւոր յաղթութիւն չէ ունեցել այնքան կախարդիչ աղջեցութիւն, որքան ունեցել է Աւարյի փառաւոր պարտութիւնը! Եւ իրաւի. այնուհետեւ Աւարյի դաշտը գեղեցկացաւ մի երկնային գեղեցկութեամբ: Դարերի արտասունքը, հայրենազուրկ աչերից ցօղելով, թարմ և

գալար պահեցին մարտիրոսական ծաղկունքը, — Վարդանանց ոսկրները, որոնք նուիրական խաւերով մեծացրին, բարձրացրին Աւարյը և կաղմեցին մի կատարեալ Գողգոթա, ուր հայոց նահատակները, շարունակ փոխանորդութեամբ խաչուելով, այսօր էլ աղաղակում են դէպի երկինք. «Էլն», էլն, լահա սակա+լանէ»:

Բայց այդպիսի մարդկանց յիշատակի տօնախմբութիւնը լոկ դգացումների ցոյց կ'լինէր, եթէ մենք չգայինք և մի զրական եղբակացութեան, որ ծագում է նոյն մարդերի գործունէութիւնից:

Դառնանք Վարդանանց պարազլուխ Վարդանին և տեսնենք, թէ դա ինչ խրատական և հայրենասիրական դասեր է տալիս մեզ ներկայում:

Ոյն, որ մենք ասում ենք «աղջային պահեան+», «անշնական պարագան+», Վարդանի տուած դասերից երեսում է, որ զրանք վիքուն ու ուռած խօսքեր են, եթէ գործով էլ չեն արդիւնաւորուած: Ահա թաթարական յեղերն էլ ունին այդպիսի աղջային պարծանք, բայց այդ պարծանքի մէջ մի էական բան չկայ, այլ միայն ջուր է, որ դարդակ լափին է տալիս: Նոցա միակ պարծանքը այն է, որ ամէն քաղաքական բարեշնութիւն աւել են դարձնում: որ նրանց մէջ ոչ անշահասէր բարոյական ձգտումներ կան և ոչ էլ պետական խնամք ընդհանուրի համար:

Ուրեմն, աղջային կամ անձնական պարծանք պիտի լինի մեր ներքին արժանաւորութեան ու գեղեցիկ գործերի հետեւանքը, ինչպէս ինքն էլ ինկիրեղորավարը ցոյց տուեց իւր օրինակով:

Իրաւի. հայոց աշխարհի ամենապատուական և ամենահարուստ մարզը մեր ընդհանուր թշուառու-

թեսն միջոցին, զարձու ամենավերջին սպասաւոր բոլորի համար: Նա հասարակ ծառայի պէս ման էր զալիս ամէնաեղ անգագար այցելում էր իւր բաղմաթիւ զօրականներին: ով զէնք չունէր — զէնք էր տալիս, ով ձի կամ շոր չունէր, պատրաստում էր առանց ինայելու, որովհետեւ Վարդան զիտէր որ իսպէ իւանի համար է և «Ն իւանի իսպէ իսպէ համար: Բայց նա իւր թանկաղին կեանքն էլ չինայեց աւելի թանկաղին նպատակի համար!»

Այսպէս, եթէ հասարակ մահկանացուներս ընդունակ չենք Վարդանանց օրինակին հետեւելու, զոնէ նիւթական մասով հետեւենք նրանց: Ես հասկանում եմ, որ Վարդանանց օրինակը շատերիս համար հրապուրիչ է: — և ինչպէս շրապուրուենք զոնէ առերեղթ ցըցի համար! Այս, մենք էլ շատ բան ենք ուղում անել, բայց ոչինչ չենք անում: մենք մեր բոլոր կեանքը մատածում ենք վեհանձն և առատաձեռն հանդիսանալ բայց մեր հոգեկան արամագրութիւնը այնպէս է, որ թշյլ չի տալիս մեղ մութ աշխարհից ոտք կոխել զէպի լցոս աշխարհ, և մենք վերջի վերջոյ էլի մնում ենք վէհանձնէն զձուձ և կծկուած ձեռքով!

Այս է շատերիս քաջութիւնը:

Բայց այստեղ յօդուածիս նիւթը Վարդանանց երիտասարդական զործը լինելով, չեմ կարող չգիմել մեր երիտասարդ սերնդին և ասել: Ով աղնիւ սերունդ, յանիր գեղեցիկը ու աստուածայինը, որ քո այգին էլ կանաչի բարի սերմերով: յանիր, եթէ կամենում ես, որ զու, քո ընտանիքը, քո աղջն էլ բախտաւոր լինիք: Ապա թէ, մենակ նստած, առանց

մասնակցելու ուրիշից ցաւերին, պիտի միայն ուտես և պարարտանաս, լաւ էր որ զու բնաւ աշխարհ չգայիր և մարդուս կոչումն էլ չվերաւորէիր!

XI.

Որովհետեւ պատմութեան մէջ, ինչպէս և կեանքի մէջ, չի կարող լինել պատահականութիւն, այլ ամէն մի իրողութիւն առաջ է գալիս իւր նախապատճառից կամ նախընթաց զործողութիւններից, — մենք էլ համառօտ նշանակենք այն Փակտորները, որոնք պատրաստեցին Աւարայրի անցքը: — Այդ Փակտորները են. 1) Մհարոպեան - Սահակեան գպրոցի բարի աղղեցութիւնը, որով տարածուեց գրագիտութիւն ժողովրդի և, մանաւանդ, բարձր դասակարգի երկու ևս սեռի մէջ. 2) Կրթուած և տաղանդաւոր զօրավարների զուգագիտութիւնը. 3) Դարի կրօնական զաղափարները, և 4) Կանանց մասնակցութիւնը ոչ միայն դաստիարակութեան, այլ և պատերազմի գործին:

Այս բոլոր պրակները համառօտ կ'լուսաբանենք այնպէս, ինչպէս մենք հասկանում: որով և կ'ամփոփենք մեր «Թիշողութիւնները» Վարդանանց տօնի առիթով»:

Այստեղ մենք չենք կարող երկար խօսել հինգերորդ գարի կուլտուրական շարժումների մասին, որոնց համագործութիւնը մեծ ծաւալ տուեց հայկական մոքին, որ առաջ փակուած էր աղքատ և անարդիւնաբեր շրջանակի մէջ: Այսքանս միայն կասենք, որ այդ շարժումներին պարագլուխ հանդիսացան եր-

կու մարդ, Սահակ և Մեսրոպ: Սրանք, ժամանակի միտիկական ձգտումներից երես գարձելով, իրանց բոլոր զործունէութիւնը նույիրեցին մեր աշխարհի իրական պահանջներին, և ոչ մի զժուարութիւն չկարողացաւ թուլացնել նրանց անխոնջելե բազուկը: Սահակի և Մեսրոպի հայրենասէր ողին ստեղծեց հայկական գիր ու գրականութիւն, որոնց շնորհիւ հայը իրաւոնք ստացաւ չջնջել իւր անունը մարդկային ցեղերի ցուցակից: Արժանի է ուշազրութեան այն հանգամանքը, որ հայոց նախարարներն էլ, ինչպէս և ժողովրդի մեծամասնութիւնը, ամենայն համակրութեամբ նպաստում էին լուսաւորութեան զործին, որ և ինքը բարեսէր թագաւորը Վառամշագործին, որ և ինքը բարձր և փառաւոր էր համարում իւր թագաւորական գահից:

Այնուհետեւ նոր բացուած զպրոյները իրանց բազմթիւ աշակերտներով սկսեցին զործել և «լցաւամենայն երկիրս հայոց զիտութեամբ... իբրև զջուրս բազում», որ ծածկեն զջովս»:

Պէտք է նկատել որ Վարդանանց զլիսաւորները մեծ մասսամբ Սահակի և Մեսրոպի աշակերտներն էին, շատերն էլ կապուած միմեանց հետ կամ նոյն Սահակի տան հետ ազդակցութեամբ կամ խնամութեամբ: Բաւական կ'լինի ասել որ պատերազմի կազմակերպողը, Վարդան, մօր կողմից Սահակի թոռն էր, որ մեծ խնամքով դաստիարակեց նրան, ինչպէս և նրա հայեակ և համազասպեան եղբայրներին: Արշաւիր Արշարունի, որի երիտասարդական կուրծքը եռում էր դիւցազնական քաջութեամբ¹⁾, Վարդանի փեսան

¹⁾ «Յայսմ տեղով դէտ ակն ՚ի վեր ամբառնայր Արշա-

էր և ամենասաղանդաւոր զօրավարներից մինը Վարդանանց արշաւանքում: Արծրունիք, որոնց քոյրը Վարդանի եղբայր հմայեակի կինն էր, նոյնպէս մասնակից էին պատերազմին, ուր ներշապուհ Արծրունին Վարդանանց չորս բաժանուած գնդերից տուածինը ստացաւ զօրավարելու¹⁾:

Բայցի այս իշխաններից մի ուրիշ անձ էլ կար, Մեսրոպի և Սահակի աշակերտներից մինը, որ այնքան երեսելի տեղէ գրաւել Վարդանանց զործում: Այդ Ղեռնդ երէցն էր «միշտ անտրառում և զուարթերես», որ իւր համոզմոնքի պնդութեամբ և հաետորական ահազին քանքարով ամէնի սրտում ներշնչում էր ողեւորութիւն և ինքն էլ քաջ զօրավարի պէս առաջնորդում հոգեսրական խմբին²⁾: Եթէ այս իրողութիւնների վերայ տւելացնենք և զարի կրօնական ուղղութիւնը, որ հաւատացողի ոյժերին մի գերինական թռիչք է տալիս ու ծայրայեղ լարողութիւն, միանգամայն կ'պարզուի Վարդանանց վաթսուն և վեց հազար զօրքի յարձակումը Պարսից բանակի զէմ, որ հնգամատիկ աւելի էր նրանցից:

Ահա սոքա են Մեսրոպեան - Սահակեան աշակետները, իսկ յայտնի է, որ մեծ ուսուցիչների աշակերտ-

ւեր Արշարունի, գոչէր առիւծաբար և յարձակէր վարազարար»: (Եղիշէ):

¹⁾ «Զգունդն առաջին տայր (Վարդան) ՚ի ձեռն իշխանին Արծրունեաց»: (Եղիշէ):

²⁾ Ղեռնդեանց յայտնի խումբը, գործելով և մշակելով ժողովրդի հետ և ժողովրդի համար, բացարձակ որոշվում են այն հոգեսրականներից, որոնք աւելի մեռելներին են ծառայում, քան թէ կենդանի մարդերին:

ները իրանք էլ շատ անգամ մեծ են հանգիսանում; երբ հետեւում են նրանց գեղեցիկ օրինակին: Թէպէտ, արդարե, այդ աշակերտների պայծառ հոսանքի մէջ մի քանի սե կաթիլներ էլ ընկան, բայց զրանք չեն կարող խանգարել գործի ներդաշնակութիւնը, որով հետեւ այն կաթիլներից մինն էլ ընկաւ Քրիստոսի աշակերտների մէջ, իսկ մերաստանը հաւատարիմ մնաց իւր Ուսուցչին, որի սկսած գործը ստացաւ համաշխարհային նշանակութիւն, ինչպէս և Վարդանանցը,—համահայկական:

XII.

Թօղնենք այդ տեսակ մոլորուած ոչխարներին, որոնց մասին Աւոնդ երէցն էլ ասում է. «Եղիելս և ողորմելիս քան զամենայն մարդիկ համարեցուք զնոսա», և տեսնենք թէ այն քաղաքական իրարանցումի ժամանակ ինչ էր անում հայ կինը և մանաւանդ հայ տիկինը: Ասում ենք մանաւանդ հայ տիկինը, որովհետեւ հասարակ կինը կամ զեղջկուհին առանց այն էլ սովոր է չարքաշ կեանքին. առանց այն էլ նրա բոլոր կեանքը պատերազմ է զրկանքների հետ: Ուրեմն, զարմանալի չէ, որ նա յօտոցով կամ մանգաղով կ'թոցնէր անզգամ թշնամու զլուխը, եթէ սա յանդգնէր նրա տուն ու տեղին ձեռը տալ: Բայց զարմանալին այն է, որ փափկասուն հայ տիկինն էլ արքայավայել յարմարանքից հրաժարուելով այժմ ոչ մի բանով չէր ջոկում իւր զեղջկուհի քրոջից: Նա էլ ենթարկուեց փոփոխական գրախտի վշտերին. նա էլ մեծ հանդիսացաւ հայրեախտի վշտերին:

նիքի առաջեւ և սուրը ձեռին¹⁾ պաշտպանեց նրա աղասութիւնը:

Սրանց մասին եմ զրել ես մի ժամանակ.

«Քաղցրաձայն բամբիոն մի ձեռն առնելով, Զինավառուեցին հայոց աղջիկներ, Եւ, մատաղ կուրծքը խաչակներելով, Պատերազմական հնչեցին տաղեր»

Եւ կամ այն, որ ասել ենք իտալուհի աղջկայ մասին.

«Որպէս տան մէջ, նշնպէս կուռում Կանգնած են հեղ և հպարտ. Գնդակներին կուրծք են ուղղում; — Եւ շրթունքից չէ գնում վարդ»²⁾:

Բայց մեր նկարած դարում հայ տիկինաց զիլսաւոր հոգուը երեխաների դասախրակութիւնն է եղել, — այն, որ շատ բնական է կանանց սեռին — մաքուր զգացումներով և քնիքուշ սիրով զարդացնել վե-

¹⁾ «Մոռացան զկանացի տկարութիւն և եղեն արուք առաքինիք ՚ի հոգեւոր պատերազմին, ... Սուր ընդ մէջ և վահան ՚ի ձեռին՝ ոչ միայն արանց քաջաց, այլև կանանց առնականանց»: (Եղիշէ):

²⁾ Այս տողերը, որ ես, համարեա, քառասուն տարի առաջ եմ զրել, այժմ էլ նոյն թարմութեամբ և նոյն զգացումով կրկնում եմ այստեղ մեր այն պատուական կանանց յիշատակի համար. Որովհետեւ, «Լեռնի Վիշտը» սպառուած լինելով, գժուար է այդ ոտանաւորների օրինակը գտնել, ես անշամեստաբար թոյլ եմ տալիս ինձ «Յիշողութիւններիս» վերջում վերատպել երկու ևս ոտանաւորը, յատուկ մեր այժմեան «փափկասուն» տիկինանց ուշադրութիւնը հրաւիրելու:

րաճող սերունդը: Նոքա մայրենի կաթով էին մեծացնում երեխաներին և տալիս ազգին առողջ և հարազատ զաւակնիր, որովհետև մօր կաթի մէջ ֆիզիոզիական ու հոգեբանական հիւթ կայ, այսպէս ասել մի սիրախառն, աղջախառն յատկութիւն, — այն, որ մեր «ճամկանելլը» ու «ճամկանելլը» փշացնում են և պատրաստում միայն նիշար և անգոյն սերունդ: Այն հին ժամանակներում մեր օրերի գալուց չլինելով, մանուկների առաջին գըտրոցը ինքը մայրն է եղել:

Ինչպէս երևում է, զրագիտութիւնը ուրիշ գիտութիւնների հետ միասին բաւական տարածուած էր Վարդանանց շրջանում: Ահա թէ ինչ է ասում այն շրջանի պատմագիր, Ղաղար Փարպեցին. — «Բանդարկուած Նախարարների կանայքը, չնայած իրանց տառապանքներին, մեծ հոգացողութեամբ ուսում էին տալիս երեխաներին և ուրիշ գաստիարակներ էլ էին հրաւիրում ուսման զործը աջողեցնելու համար: Նրանք անփոյթ և անպիտան կանանց նման չէին, այլ առաքինի և խոհական տղամարդերի պէս խնամք էին տանում, որ նոր սերունդը լինաման կրթութիւն ստանայ, — այնքան օգտակար նրանց համար ապագայում»: Նոյն պատմագիրը, կրթուած կանանց մասին խօսելով, ասում է. «...Մանաւանդ Վարդանի եղբօրորդի հմայելի կինը անուանի կին եղաւ և իւր մտաւոր ընդունակութիւններով գերազանցեց հայաստանի բոլոր կանանցից և լաւ կրթեց ու գաստիարակեց իւր զաւակներին»: Այդ զաւակներից մինն էր և Վահան Մամիկոնեան, որ հանձարեղ և հեռատես զօրավար է հռչակած մեր պատմութեան մէջ:

Եւ իրաւի. այն, որ ասում ենք բարոյական սկըզբունք, որպիսի են. վեհանձնութիւն, անձնազոհութիւն, կարեկցութիւն գէպի թշուառ և զանազան իդեալական ձգտումներ, թէպէտև գալրոցական ուղղութեան հետեանք են, բայց դրանց սաղմնառութիւնը դրած է այն սկզբնական կրթութեան մէջ, որ պիտի աւանդուի խելացի կանանց ձեռքով: Առանց կանանց մասնակցութեան, գաստիարակութեան մէջ միշտ կ'մնայ այն հատիկը, որ կարող է միայն մարդկութեան ընծայել քարթու սրտեր ու հսական հակումներ:

XIII.

(Y)

Մեր ամենօրեայ զիտողութիւններն էլ նոյն բանն են վկայում: մարդիկ, որոնք զուրկ են հոգեսոր կրթութիւնից, ուր կինն էլ կրաւորական զեր է խաղում կամ ոչ մի զեր չի խաղում, չի կարելի ասել որ բարքով շատ էլ համակրելի լինէին: Հասարակաց հարցերում նրանք անտարբեր են և սառնասիրա: սէր և բարեկամութիւն միջոցներ են և ոչ նպատակ: Առհասարակ այն մարդիկը ուղիղ ճանապարհ չեն ճանաչում, այլ միշտ մոլորապտոյտ և խոտորնակ են գնում:

Այստեղ ես պիտի կանգ առնեմ մի հանգամանքի պատճառով, որպէս զի կարողանամ ասածս աւելի պարզելու, թէև մի փոքր շեղուելի հետեակցութեան ոճից:

Զարմանալի երեղթ! Որքան հասարակութիւնը հարուստ է այդ տեսակ անհատներով և մասնաւանդ հետն էլ հաւաքական ֆիզիքական ոյժ ունի, այնքան էլ նրա բարոյական արատները անցնում են

սահմանից: Բռունցքները, թաւուտ անտառի պէս կախ ընկած տեղը նստածի ու տեղեց շարժուղի զլիսին, ամէնին էլ սպառնում են ջարդ ու փշուր անել: Մարդատեղութեան հոսանքը, որ առաջ սեպհական է եղել վայրենի և նախագոյ ցեղերին, այժմ այն ազգի մեծամասնութեան միտքն է գրաւում:

Յայտնի բան է, որ բարբերի այս աղաւազումը, բայցի վերը յիշածից, ուրիշ սօցիալական պատճառներ էլ ունի, բայց զլիսաւորաբար պէտք է վերագրել թանձրամած տպիտութեան, որի բանալին դպրոցի ձեռին է և որը կարող էր բանալ նրա գոները և զիտութեան հիւթով սրսկել: Դժբախտաբար, յայտնի է բոլորիս դպրոցական սիստեմի անկրթականութիւնը, նրա մեռած փօրմալիզմը, ծրագրների բարելոնեան խառնակութիւնը, ուր աշակերտը ուսանում է ամէն բան, միայն չի ուսանում այն, որ տանէր նրան դէպի կեանքը և կատարելութիւն: Ես հասկանում եմ, որ ուսանողի թերութիւնները ամբողջապէս վերագրել դպրոցին իրաւացի չէ: — Նատանյածող ընտանեկան և հասարակական առիթներ էլ կան, որոնց շնորհիւ մանուկ սերունդը, դեռ տղայութեան հասակում խարտուիլակի պէս կերպարանափոխուելով, չի զարդանում, ինչպէս մի ազատ էակ: Բայց ենք մեր թուուցիկ «Յիշողութիւններով» միայն դպրոցն ենք առնում, որպէս մի որոշ մանկավարժական ձանապարհ և տեսնում ենք, որ այդ ձանապարհ այնքան էլ հարթ չէ և շատ անդամ ներհակ մանկական հոգեբանութեան:

Մենք այստեղ շեշտենք դպրոցական կեանքի երկու էական պակասութիւնների վերայ, որ միշտ անջնջելի

շետք են թողնում ուսանող սերնդի մէջ: — Այդ հցանատի ու պատիժն է, — մէկը լաւին, միւսը վատին, որով պեղազօղը մտածում է մէկով քաջալերել և միւսով ծուլութեան առաջը առնել բայց նա երկու կողմովն էլ մեղանչում է: Հանդիսաւոր պարզեարաշխութիւնը, որ դպրանոցի անխուսափելի չարիքն է, հէնց սկզբից աշակերտի մէջ ցանում է մեծամասնութեան սերմը, այլ և գերազանցութեան զգացում ընկերի առաջ, որով և խանգարվում է ցանկալի ներդաշնակութիւնը դասարանի մէջ: Իսկ պատիժը, աշակերտի ինքնասիրութեան պատուին զիազելով, այնուհետև հարուածում է նրա հոգեկան ոյժերը և անընդունակ կացնում նրան ապագայ առաջադիմութեան համար: Մեղ կ'պատասխանեն, որ այս իդէալիստի ցնորք է. այնու ամենայնիւ մենք մասածում ենք, որ աւելի նպաստաւոր կ'լինէր գործին, եթէ ուսուցիչը, հոգեպէս հաղորդուելով աշակերտների հետ, նրանց մէջ շարժէր բանասիրական ախորժակ, որով միապէս խրախուսած կ'լինէր և լաւին, և վատին, այն էլ առանց մրցանակի ու պատժի: Յամենայն դէպս եթէ մանկավարժի պատիժը, ինչպէս մի զգաստացուցիչ միջոց, երբեմն անհրաժեշտ է համարվում, այդ ոչ մի կերպ չպիտի լինի կերակրի կամ ճաշի զրկանքով, որ մարդուս մտաւոր կեանքի գլխաւոր սնունդն է¹⁾:

Աւելորդ եմ համարում խօսել այստեղ և այն տիպի դպրանոցների մասին, որ իրանց սաների գլու-

¹⁾ Մի երկելի ֆիզիոլոգ ասում է. «Մարդս է այն, ինչ որ ուսում է». այսինքն, մարդս իւր կերածն է,

իր լինում են նախաջրհղեղեան նիւթերով, որոնք յետոյ զբաւելով արդիւնաւէտ տեղեր, գաւինի ծառերով շրջապատած, ընկնում են մի ինքնաբաւական անդոյութեան մէջ:

Ահա և այսօրուայ ուսանողը, քանի որ համալսարանումն է, ազատամտութեամբ զարմանալի վերաթուիչ է երեւում: Նա մինչեւ անգամ երկինքը ևս կամենում է մատով ծակել, որ այն կողմն էլ համալսարանական լոյս սփռի, բայց էգուց, քաղաքացի դառնալով, ամենեին ուրիշ երգ է երգում: որովհետեւ նա ոչ մի սկզբունք չի սեպհականել դպրոցից: Այս պատճառով մեր քաղաքացին մեծագործութեան մէջ միայն մեծամիտ է. նա ամէն օր եղբայրասիրութեան մասին է մտածում, բայց ամէն օր էլ հողմավար ամսի պէս զրգուալով, մի երկու կաթիլ անձրեւ էլ չի ցողում եղբայրական արտի վերայ, որ արդէն ծածկուած է եսամոլութեան պատաստկներով!

Այս տխուր նկարագիրը մէջ բերելով, որ մեր համարակական ու դպրոցական կեանքի հետեւանքն է, մենք սրանով չենք ուզում ասել, որ մի այդ տեսակ աշխարհում չկայ առաջադիմութիւն: Բնդհակառակին, շատերն էլ իրանց առանձին ընդունակութիւնների շնորհիւ, այսօր սաստիկ պատերազմն են մղում մեծամասնութեան խաւերի դէմ և եղբայրաբար ձեռ մեկնում ամենին, որ ազգից և որ կրօնից էլ լինէին նոքա: Ահա և այդ ընտիր գործիչների ուղեցոյցը. Ազգային պարծանք համարել միայն ըուսաւոր և զիտակից համեստութիւնը և առանց հայրենասիրական պարկապղուկի սպասաւորել հասարակություններին: Միայն սկը տածել դէպի մարդ-

կութիւնը, տղնիւ անձնայարգութեամբ սովորելով ուրիշն էլ յարգել: Զարհամարհել ամբոխը, ինչպէս մի ստորին արարած, այլ կարեկյաբար նպաստել նրա մասաւորական և անտեսական զարգացման, որ նրա «Փառշարք ու ճաղարքայլայ»: Արդարը և իրաւը անկողմնապահութեամբ պաշտել: Մաքսաւորի հետ նստել ու վեր կենալ միայն նրան բարցյապէս բարձրացնելու նպատակով և ոչ նրա տղմի մէջ խրուելու:

Քաղցր է ինձ այստեղ փոխադարձօրէն ողջունել այդ աղնիւ շրջանը և ծափահարել նրա գալոց յաղթանակին!

Ահա ես վերջացրի իմ «Յիշողութիւնները», որոնցից կարելի է տեսնել, որ Պարսիկները յաղթեցին Վարդանանց, բայց, ինչպէս ասել ենք, չկարողացան նրանց նուածել այսինքն լեզուն ու կրօնը ջնջել:

Որովհետեւ չայոց կանայքն էլ նպաստեցին այդ բարցյական յաղթութեան ոչ միայն նիւթեական զրկանքներով այլ և իրանց գաստիարակութեան հանձարով, այս պատճառով ես զիմում եմ մեր հայուհի ընթերցաղներին և ասում նրանց. Միակ զէնըը, որ մենք այսուհետեւ պիտի գործ գնենք վտանգաւոր հսուանքների դէմ:—այդ մանուկների գաստիարակութիւնն է, որ նոյն իսկ բնութիւնից յանձնուած է ձեր մայրական խնամքին: Թօղ, ուրեմն, մեր կանայք ու տիկնայքն էլ իմանան, որ իրանց թանգարին քարերից ամենաթանգարինը է այն, որ նրանք լաւ մարդիկ պատրաստեն ազգի համար:

Ի ՏԱԼՈՒՀԻՔ ԵՒ Ի ՏԱԼԱՑԻՔ

(Յիշողութիւն դէպի անցածը)

I.

Խնչու, խնչու, իտալացիք
Զէ թնդում քաղցր երգեհոն,
Խնչու, քնքուշ իտալուհիք,
Թողել էք ձեր պիանօն:
Մոռացել են դոքա, ասես,
Փափուկ սեռը կանացի.
Արտում վրէժ, կտրիճի պէս
Դիմում են վրանը ոսոխի:
Որպէս տան մէջ, նոյնպէս կռւում
Կանգնած են հեղ և հպարտ,
Գնդակներին կուրծքն են ուղղում,
Եւ շըթունքից չէ դնում վարդ:

II.

Զարմանում էք, ինչ ասում եմ:
Թէ զուք նոյա տեսնէիք
Խաղաղ օրով, երբ քաղցրադէմ
Բռնած կիթառն գեղեցիկ,

Փափուկ մատներն արծաթէլար
Նուազարանին դիպչելով,
Պարտէզի մէջ ծագկադալար,—
Դուք կ'լսէիք անխռով
Սիրոյ ձայնը, սիրոյ հոգին,
Ճիւսած սրտի թելերից.
Սիրել դիտէ իտալուհին,
Զրկուած բոլոր աշխարհից:

III.

Շուրջ ձակատով շուշանագեղ
Ծածանվում են թուխ մազեր,
Սև սաթի պէս յօնքեր շքեղ
Վառ աստղի պէս ջուխտ աչեր:
Դուք լսեցէք, երբ զրուցում են.
Ամբողջ զրախտ փափկութեան
Չեր սրտերը կախարդում են
Որպէս տակիղն էօլեան:
Եւ ոսոխի զոռող հոգին
Միթէ չպէտք է նուածուի,
Եւ յաղթութեան արմաւենին
Դոցա առջե տարածուի:

IV.

Իտալուհիք, և ձեղ նման
Արեելքում մի անդամ,
Չեր քոյրերը զինուորուեցան
Թշնամու դէմ անզգամ.

Արեան գնով հայաստանին
Գնեցին նոքա փրկութիւն,
Եւ թաղեցին հողի ծոցին
Անմեղ ծաղկած կուսութիւն:
Մեռան նոքա բայց կ'մեռնի
Նոցա գործի յաղթանակ.
Դուք դէպի դաշտ. մենք կենդանի
Ունինք նոցա յիշատակ:

V.

Իտալիա, աշխարհ փառքի,
Դու, քո կուրծքը զբահով
Սմրապնդած, յաղթանակի
Կամիս սպակուել դափնիքով:
Միթէ իսպառ պէտք է ձնշվի
Սյդ աղդային զօրութիւն,
Եւ առուի պէս արիւն թափուի,
Հերոսներիդ սուրբ արիւն:
Միթէ ձեռներն, միթէ սրեր
Քո ոխերիմ թշնամու.
Պէտք է բերեն քեզ նոր աւեր,
Եւ սարկանաս դարձեալ դու:

VI.

Ինձ ասացէք. ով ձեղանից,
Որի մէջ մարգու սիրտ կայ,
Չիսեղդուելով արտասուքից,
Կալող է մնալ անդայ,

Տեսանելով այս ողբալի
Սրածութեան աւերած,
Եւ սրբութիւնն իտալիայի
Նշաւակով անարգած:
Անիծում եմ չար ժամանակ,
Երբ Բուրբոնը զիշատիչ
Տնկեց այստեղ իւր զրօշակ
Եւ խաբեբայ և մատնի՛ւ

VII.

Մի կամք, մի շնուչ ձեղ օգնական,
Առէք սուսեր — և յառաջ.
Դուք սիրտ ունիք ասպետական,
Յարձակուեցէք ձախ ու աջ:
Աղնիւ գործին ինքը Աստուած
Ուզարկում է իւր վահան.
Իտալիա, փառք անմռուաց.
Կ'թնդայ ձայնը փրկութեան:
Նորից, նորից անուշահոտ
Կ'արձակուի քո մրտենին,
Նոր արշալցու, նոր առաւոտ,
Եւ աւետեաց ձիթենին:

VIII.

Եւ անցածիդ զեղեցկութիւն
Իւր դագաղեց կ'զարթնի,
Միայն աւեր և պղծութիւն
Աւստրիան կլնդունի:

հտալիա՛, դու զօրաւոր,—
Եւ կեցյե՞ն քո զաւակներ.
հտալիա՛, ես հոգեոր
Բերում եմ քեզ իմ տաղեր.
Եւ հայի մէջ կայ կենդանի
Ազատութեան արձազանդ.
Եւ թող չասեն, որ հայն չունի
Ո՞չ ազատ կամք և ոչ կեանք¹⁾:

1864 թուին.

Քաղցրաձայն բամբիոն մի ձեռն առնելով,
Զինավառ եցան Հայոց աղջիկներ,
Եւ, մատաղ կուրծքը խաչակնքելով,
Պատերազմական հնչեցին տաղեր:

Կին էին ծընել, բայց երբ հայ աղղին
Աւել ուղարկեց Պարսիկն այն գոռոզ¹⁾.—
«Կորուստ», գոռացին և, սուրբ ձեռին,
Հեծան երիվար ինչպէս մի հերոս:

Սուրբ առագաստը մոռացան նոքա
Եւ չյիշեցին խնջոյքն հարսնութեան.
«Ազդ ու հայրենիք» շըթունքի վերայ
Փռուեցին դաշտում;—ով մեծ քաջութեան:

Դափնիք անթառամ թող ձեզ պսակեն.
Թող ձեր ոսկորներ ջերմ արտասուքով
Հայրենասիրի աչքերը թացեն.—
Խաղաղութիւն ձեզ սուրբ սաղմոսներով:

Դուք ձեզ զոհեցիք հայի պարծանքին.
Բայց ձեր քըյրե՞րը. — ո՛հ, արտասուքից
Խեղիվում է ձայնո. — անպէտք են աղղին...
Յանդիմանեցէք նրանց շերիմից²⁾:

1865 թուին.

¹⁾ Յաղերտ երկրորդ:
²⁾ Արտասուպած «Լեռնի Վիշտ» գրքից. էջ 85.

Տպածէ.

Կարդա.

Էջ	6	իրաւասութիւնից	իրաւագիտութիւնից
20		Տրապիօն	Տրապիզոն
29		ասելի	ասել

ՀՀ Ազգային գրադարան



NL1711190

ՀՀ Ազգային գրադարան



NL1711191

ՀՀ Ազգային գրադարան



NL1711192

